

四庫全書

史部

欽定四庫全書

欽定大清一統志卷七十一

太倉州

在江蘇省治蘇州府東北一百二十里江寧府東南五百六十里東西距二百一十里南

北距一百六里東渡海至崇明縣東大海二百里西至蘇州府新陽縣界一十里南至松江府上海縣界六十六里北至蘇州府昭文縣界四十里東南至松江府上海縣界一百二十里西南至松江府青浦縣界六十里東北至海七十里西北至蘇州府常熟縣治一百里本州境東西距一百六里南北距一百九里東至海崇明縣界七十里西至新陽縣界三十六里南至鎮洋縣界一里北至昭文縣界一百八里東南南至鎮洋縣界一里西南至崑山縣界二十里東北至崇明縣治一百三十里

西北至昭文縣界四十里自州
治至京師二千八百四十里

分野天文斗牛分野星紀之次

建置沿革禹貢揚州之域漢會稽郡婁縣地後漢屬
吳郡三國吳于其地置東倉太倉之名或始此梁
天監時分婁縣為崑山縣地隋以後因之皆屬吳
郡宋屬平江府元為崑山州屬平江路延祐元年
徙州治此至正十一年州還故治仍為崑山州地
明吳元年置太倉衛洪武十二年又置鎮海衛宏

治十年始割崑山常熟嘉定三縣地置太倉州屬

蘇州府

本朝因之雍正二年陞州直隸江蘇省領縣四

鎮洋縣

附郭分治南偏東西距八十里南北距三十里東至海崇明縣界七十里西至蘇州

府新陽縣界十里南至嘉定縣界十二里北至本

州界半里東南至寶山縣界三十六里西南至嘉

定縣界二十里東北至本州界三十六里西北至

新陽縣界十八里本太倉州地本朝雍正二年

陞太倉州為直隸州於嘉定縣在州南三十六里

州析置鎮洋縣屬焉嘉定縣東西距四十二里

南北距六十六里東至寶山縣界十八里西至蘇

州府新陽縣界二十四里南至松江府上海縣界

四十八里北至鎮洋縣界十八里東南至寶山縣
界二十四里西南至松江府青浦縣界四十八里
東北至寶山縣界十八里西北至鎮洋縣界十八
里漢婁縣地梁信義縣地隋唐為崑山縣膠城鄉
宋嘉定十年析置嘉定縣屬平江府陳沂南畿志
割崑山安亭等五鄉於練祁市置縣元貞元年
陞嘉定州屬平江路明洪武二年復為縣屬
蘇州府 本朝因之雍正二年改屬太倉州 寶山

縣

在州東南九十里東西距四十里南北距六十
四里東至大海一里西至嘉定縣界四十里南

至松江府上海縣界四十里北至鎮洋縣界二十
四里東南至上海縣界三十六里西南至上海縣
界五十里東北至海一里至崇明縣海岸百里西
北至鎮洋縣界四十八里本嘉定縣吳淞所地
本朝雍正二年析
置縣屬太倉州

崇明縣

在州東北一百三十里
東西距一百二十七里

南北距五十二里東至高頭沙大海一百二十里
西至施翹河口七里南至海七里過海至本州界
五十里北至永寧沙大海四十五里至通州界四
十五里東南過海至嘉定縣界約四十里西南過
海至本州界約四十里東北至廖家嘴大海三百
里西北至海門廳約五十里唐為海中沙洲五代
時楊吳置崇明鎮屬通州海門縣宋嘉定十五年
置天賜鹽場屬淮東制置司元至元十四年陞為
崇明州屬揚州路明洪武二年降州為縣八年改
屬蘇州府宏治十年置太倉州以縣屬焉 本朝
之因

形勢前橫婁江東接巨海州志三面阻海實吳之北境

嘉定縣志

斥鹵衍沃中海而居非舟楫不能到

曹學佺名勝志

崇明

縣

風俗敦本畏刑崇文重恥士不負荷民服農賈

明龔時憲

太倉考

俗尚氣節好清議安土不好遠遊

舊志樓櫓萬

艘據要衝於海道

祝穆方輿勝覽

東薄於海捍海作邦

元楊

廉夫記

城池太倉州城

周十里有奇門八水門三濠廣八丈元至正十七年築

嘉定縣

城

周九里有奇門四水門三濠廣一十三丈明嘉靖三十二年甃磚本朝順治康熙年屢葺

寶山縣城

周四里門四濠廣六丈明嘉靖中移兵淞城於此本朝康熙十三年二十二

年屢修雍正
二年為縣治
崇明縣城
周四里有奇門五濠廣三
大明萬厯中始築
本朝

順治十六年
康熙十四年重修

學校太倉州學

在州治西南明正統元年建太倉衛
學宏治十年改州學
本朝順治十

七年康熙二十三年五
十
年屢修入學額數十八名
鎮洋縣學
與州共學入
學額數十二

名
嘉定縣學
在縣治南一里宋嘉定十一年建
本朝順治十二年康熙六年修入學

額數十
三名
寶山縣學
與嘉定縣共學入
學額數十二名
崇明縣學
在縣

濠外東南明天啟二年建
本朝康熙
三年雍正五年修入學額數二十名
東陽義學

在寶山縣西南三十六里大場鎮元延祐初
里人沈文輝建以訓鄉人子弟鄧文原作記

戶口

人丁一百五十九萬
五千一百三十八

田賦

田地蕩塗共三萬五千一十六頃九十九畝
徵地丁銀共三十二萬九千一百六十五兩五

錢一分米共一十六萬九百九十七石五斗七升
麥六百一十一石九斗一升一合豆二百二十九

石五斗四

升二合

山川穿山

在州城東北五十里去海二十餘里中洞
可南北行徧山多綠蔥至秋盛故名為蔥

嶺

又傳為海中島沈瑩臨海記海虞縣穿山下洞
穴高十餘丈昔有海行者舉帆過其中府志山上

猶通人往來而其下為地去海

已遠舊屬常熟今分隸太倉州

鎮洋山

在州治後
周三百步

明宏治十年知州李端築上有三峯及集仙洞建
迎春來仙遊仙三亭祝允明有記今分縣以此山

得名洋山在崇明縣東沙之東海口要地其金鳳山

在崇明縣三沙舊名金鰲本蛇山在崇明縣東

朝康熙三年總兵張大治重築蛇山北海中約二

百里一名茶山一名長山舊志云有二峰東峰不

可上西峯頂有石大數畝五十七松環之南有呂

純陽應奎山在嘉定縣學南寶山在寶山縣南吳

縣以此得名舊志寶山在嘉定縣東南八十里明

永樂十年平江伯陳瑄命海運將士築寶山為海

中表識周四百丈高三十餘丈海洋空濶遙見千

里有明成祖御製碑記刻石亭上海運廢山為濱

海戎守鶯遊山在崇明縣淮河口為岡身東朱長

之地鶯遊山在崇明縣淮河口為岡身東朱長

文績園經濱海之地岡阜相屬謂之岡身天所以

限滄溟而全吳人也盧熊蘇州府志太倉以東有

岡身五曰上岡身下岡身歸吳岡身青岡身王家
岡身南屬松江之海北抵大江之陰其下皆砂磧
螺蚌地宜菽粟又有岡門十三曰彭岡門潘岡門
曲岡門大岡門秦岡門應岡門馮岡門金岡門賈
岡門邵岡門吳岡門顧岡門丁岡門其地勢皆高
峻與常州相等明趙霖治水狀常熟福山而下有
沙岡二百八十餘里以限滄溟岡身間 **五岡** 在嘉
有港浦一百五十餘處以洩太湖水 **五岡** 定縣
東岡在縣東南二里青岡在縣西五里外岡在縣
西十二里沙岡在縣西南十五里淺岡在縣西南
十八里 **拋沙墩** 在州城北十五里高十餘丈址周百
里 **吳塘竹薄沙** 在崇明縣東南七十餘里即南沙盡
岸 **吳塘竹薄沙** 處外為大洋內為內海其西南與松
江高家嘴相對為內海之南門海舟道由洋山入
吳淞江必自此從揚家路沿海而北吳淞江正當

其衝海道東南之險也又有爛沙小園孫家白蜆
縣前等沙與南沙竹薄舊皆錯列海中今漲合為
一南北長百四十餘里東西濶南沙在崇明縣南
四十餘里居民藝植悉成沃壤長沙與竹薄沙相
接縣志沙長八十里廣十餘里多菽粟萑葦之利
其西北接宋信嘴明初置長沙巡司於此嘉靖九
年長沙民王良等作亂據南沙尋討平之因建南沙
守禦官軍營營前沙在崇明縣北為大江入海之口
明嘉靖三十六年倭寇登營前沙官軍敗却之相接
又有山前沙

蒲沙

在崇明縣北相近有小陰沙與海門縣接界蒲沙之東有扁擔沙

平洋沙

在崇

明縣北舊名半洋沙其相近有馬腰沙明宏治十
五年縣民施天泰鈕東山作亂據二沙事平改半
洋為平洋馬腰為馬鞍初平洋沙與長沙中隔海
面十餘里本朝順治十一年提督梁化鳳規度

水勢議建長隄慌惚若有神教之者見糟粕浮揚
水面輒循其跡下竹落隄石蓄至康熙二十四年
三月隄成建龍王閣樹碑記其事又西有登舟沙
與常熟縣對境海防考登舟沙為福山白茆之門
戶又西北有伏龍沙萬厯**東沙**在崇明縣東北相
中新長與江北狼山相近接有西沙廬熊蘇
州府志唐武德間海中忽湧二洲謂之東西二沙
縣志後漸積高廣漁樵者依之遂成田廬五代時
為顧浚沙楊吳置崇明鎮明置**姚劉沙**在崇明縣
西沙巡司東接姚劉北望三沙**姚劉沙**東北六十
里蘓州府志宋時續湧一沙與東沙接稱姚劉沙
嘉定中置天賜鹽場于此即崇明舊治也建炎間
有姚劉姓者避兵于此因**三沙**在崇明縣東北蘇
稱姚劉沙元因置州治焉**三沙**州府志宋建中靖
國初又湧一沙于姚劉沙西北曰三沙鼎立海心
亦謂之崇明沙紹興初盜邵青聚黨于崇明沙將

犯江陰劉光世遣王德討平之明置三沙巡司縣志三沙在姚劉沙西北五十里為一邑中土又二沙在三沙東北舊為縣城外護又東北有三沙從三沙而西南則為縣後沙及三沙平洋吳家等沙近常熟許浦福山界西北則縣後沙在崇明由扁擔沙營前沙近大江海門界縣後沙在崇明舊縣東明嘉靖四十四年倭寇據縣後沙總兵郭成擊敗之海防考三月之北扁擔沙為重三月之南縣後沙為重新竈沙在崇明縣東北舊縣東南東連大沙為重新竈沙海為各沙門戶縣志自新竈而西達宋信嘴可不由海州境俱東濱海去州城鎮洋竹溝遙達劉河縣東北七十里嘉定縣東北五十里寶山縣東一里南接松江府上海縣界崇明縣懸居海中北接通州界舊志嘉定縣海岸東北距崇明止隔一水約五十餘里俗謂之海汧晉湖州刺史虞潭築防海壘南北亘八十餘里障遏

潮衝歲久漸圯明洪武三十三年邑人朱六安奏
海潮利害工部遣官修築海壘北抵崑山縣界南
跨劉家河長千八百一十丈崇明縣志縣境四面
皆海東即大洋東沙之外有蘇州洋北接大江口
南接嘉定縣界
淡水洋 在崇明縣東沙東北海水
為汎守要地 皆鹹此水獨淡又有鹹水

洋在東沙東南昏時水沸若火其水即鹵水通志
有水格分濤在縣大洋中水分鹹淡水色白鹹
水色黑淡水西來鹹水東至每
潮轉濤分兩水相激聲若雷霆 **大江** 在州境東
自蘇州府崑山縣東流入環州城南而東至七

江 十里天妃宮為劉河口入海元時海運取道於
此俗訛劉家港亦曰劉河今為鎮洋縣境地鄰道
元水經注松江至三江口分流一江東北入海為
婁江蘇州府志婁港宋時湮於潮汐不通元時不
浚自深朝夕兩潮不數年間可容萬斛之舟於是

准開劉

宣慰朱清創開海道漕運每歲糧船必由此入海
州志明永樂二年尚書夏原吉自崑山縣東南下
駕浦掣吳淞江之水北達婁江復挑嘉定四顧浦
南引吳淞江北貫吳塘亦由婁江入海宏治四
年徐賈復浚婁江自州城南至嘉定縣之外岡嘉
靖二十五年知州周士佐築婁江新隄以禦水患
通志 本朝順治十二年知州白登明因婁江塞
開鑿朱涇十四年巡按李森先周登議開劉河中
段自鹽鐵河至石家塘康熙十年巡撫馬祐題
河淤道二十九里建三閘 按圖自州城北東流
一支曰致和塘河至劉河堡西 松江自蘇州府崑
南注婁江入海疑即太倉塘也 松江自縣經青浦
流入經嘉定縣南三十六里又東經寶山縣西南
合黃浦江又東北經縣城東南吳淞口入海宋崇
寧二年宗正丞徐確疏松江自封家渡古江至大
通浦直徹海口七十四里元大德八年任仁發自

上海界浚吳淞舊江抵嘉定石橋洪迤邐入海長
三十八里明永樂二年夏原吉浚顧浦南引吳淞
江水北貫吳塘注婁江入海正統五年周忱檢視
嘉定吳淞江親往江上立表江心督民挑修水得
疏洩天順三年巡撫崔恭復浚嘉定吳淞江自下
家渡至莊家涇四千六百七十丈成化十年巡撫
畢亨開吳淞江自夏家浦開至西莊家港王鏊姑
蘇志嘉定之水亦原于松江自大姚分支過澱山
湖入江灣青浦轉入松江東口其松江東口亦名
吳淞江古之東江也其南為白鶴江白鶴江亦吳
淞之上流西與青龍江合蓋一水也青龍江之北
為大盈浦渡頭浦大盈渡頭之中為馮浦又南接
黃浦與上海分界嘉定縣志松江亦名虬江自崑
山東入縣界接白鶴江口在縣西南四十里又東
經顧浦又東經黃浦又東經蟠龍江等浦至縣東
南桑家橋接上海縣界又東北合黃浦入海本

朝順治十一年浚黃浦至徐公浦七
七鴉浦在州城北

三十六里又分浚蟠龍江至許家濱

七了又名七浦宋隆興二年陳彌作開七鴉浦自

海浦至李漕涇淳熙元年薛元鼎開七鴉浦明正

統宏治中重浚姑蘇志太倉之水七鴉浦為大其

後崑山之民並湖為斜堰湖水北入白茆南出巴

城七浦勢緩流微日就淤塞嘉靖隆慶崇禎中重

浚舊志崑山巴城湖與常熟崑承湖諸水匯為七

浦塘東流經州城北三十里直塘市又至州東北

三十餘里經沙頭市又東繞塗松鎮而東入海南

通楊林塘北通白茆港橫亘五十餘里自沙頭鎮

以西皆名七浦塘顧浦在州城西南五里自嘉靖

其東則曰七了港

吉涇又東折而北為戚虞涇經本州西南與南鹽

鐵張涇橫滙諸水俱北入婁江宋嘉祐紹興間轉

運使沈立之趙子滿先後開顧浦明永樂正統間尚書夏原吉巡撫周忱亦相繼開浚嘉定縣志顧

浦徐公浦吳塘三河形如川字俱南入吳淞江而練祁貫其中又西為安亭涇在縣西南二十四里

與崑山**槎浦**在嘉定縣南三十里有**徐公浦**在嘉縣分界

西宋紹興末轉運使趙子滿議通郭澤塘及徐公浦明宏治十一年隆慶六年萬厯三十四年屢加

疏浚縣志徐公浦西通安亭涇南接鷄鳴塘北接郭澤塘入婁江其雞鳴塘在縣西南二十里川

沙浦在嘉定縣東北四十五里南接頭涇港北接施家港又北為五岳塘通黃姚港東入海宋

時與茜涇下張七鴉楊林**大盈浦**在嘉定縣西南堀浦共為崑山六大浦五十里吳淞江

南岸自青浦縣**橫滙**宋邨豎水利書太倉堰身之流入注白鶴江東有一塘西徹松江北過常

熟謂之橫滙嘉定縣志自縣治中分南曰南橫滙
自縣南門經南翔鎮接上槎浦又折而西經縣西
南二十七里孫李港口入吳淞江接上海縣界北
曰北橫滙自縣北門經婁塘東折而北為東橫滙
入婁江接太倉州界州志在州東南貫鹽鐵塘在
婁江入吉涇塘北貫七浦入常熟界
城鎮洋縣內南一派接嘉定縣界水利書沿江北
岸三十餘浦惟鹽鐵一塘可直瀉水北入揚子江
州志鹽鐵塘經州城中一名內河在城南者曰南
鹽鐵又南十二里入嘉定界入吳淞江在城北者
曰北鹽鐵又北四十里入常熟界白茆塘至江陰
注揚子江張士誠築塞南北水門故城中雖有鹽
鐵塘不復直貫南北外城分從東西三水門受水
其從婁江北折者俗名倉河嘉定縣志在縣西十
五里亦曰西橫滙塘自西練祁經外岡鎮中分北
為北鹽鐵經葛隆鎮入婁江南為南鹽鐵南接陸

皎浦入吳淞江元時海運從北橫滙東北入婁江
達海明永樂十三年罷海運以西練祁北鹽鐵為運

河吳塘在州西三里南貫婁江吉涇入嘉定縣界
達吳淞江北貫湖州七浦二塘入常熟縣

界楊林塘在州北宋隆興二年陳綱作開楊林浦
明嘉靖萬歷崇禎中重浚州志楊林塘

在州西北十二里上承巴城湖東北之水復接七
鴉支分南下之水東經新塘又東至州東北八十

里之花浦口入海延湖川塘在州西北十三里明
萊與七鴉浦相埒天順中浚宏治十三年

知州李瑞重濬州志湖川塘在楊林塘南上承巴
城楊林新塘之水西接崑山金雞河東流折南為

小塘子貫石婆港南入婁江北穿鹽鐵塘多支流
與七浦楊林並橫貫州北鹽鐵塘中而湖川塘遙

近城北城西之吳塘城西練祁塘在嘉定縣南自
北三里之古塘俱流匯焉縣治中分東曰

東練祁西曰西練祁東自縣東門經寶山縣西北
之羅店鎮稍北入海為練祁海口又一支南折而
東合馬路塘又東合月浦又東合米淘港入海西
自縣西門經外岡西貫吳塘顧浦南入吳淞江又
一支折從外岡北合鐵鹽水北入婁江宋宣和二
年趙霖修堀浦自上源開至練祁塘長十二里有
奇明嘉靖十九年重浚自城西至外岡鎮十里萬
厯四十五年浚東西兩練祁共萬五千八百七十
丈姑蘇志練祁塘又名練川名勝志界縣市中東
西長七十二里仰承江水清澈如練故名後來江
水不通別開渠與潮接非復故時矣縣志練祁塘
舊運河為境內之縱水自顧浦東折交於吳塘通
外岡入城經縣治前交于橫滙東出過羅店走馬
折而東北入海按縣志所云乃東練祁也

塘

在嘉定縣東南二十里西通南橫滙南通中棧
下棧大場桃樹趙浦諸浦入吳淞江自東迤南

接江灣浦一名商量灣又折而東亦入婁塘在嘉

吳淞江明萬厯天啟崇禎間並加開浚婁塘在嘉

西北一名嚶塘西通半涇在州東三里南入婁江

北鹽鐵東通橫澗北經湖川楊林通七浦

朱涇

在州東本朝順治十二年知州白登明因婁江淺塞開浚朱涇自東濠致和塘起由界

涇石婆港湖川塘楊家濱南漕漕抵天妃宮東出

婁江口長六十里又旁浚北漕漕至茜涇鎮之新

塘止州人名茜涇在州東北五十里西承楊林河

曰白公渠東出花浦口入海宋范仲淹葉

清臣趙霖鑛脚港在州東北受諸涇青龍港在崇

皆嘗開浚之水東流入海

東港口約十餘處逼縣城下又黃涇港在崇明縣

縣南有斜港直抵太倉劉河

州璜涇口海施翹港在崇明縣北明隆慶中知縣

面約四十里孫荷興創鑿資灌溉蘇州府

志施翹河渡至太倉七十里港海面四十里通志施翹河西自長沙逶迤達於袁孫吳三沙此沿海之

幹河也 **渡船港** 在崇明縣東南三十里有渡口自此至舊城平洋沙界溝渡海十里又有

舊城河在爛沙浜與太倉七鴉常熟白茆相對皆為往來津口 **顧徑港** 在嘉定縣

西南接練祁北通 **大通河** 在崇明縣東三十里有惠川沙港東入海 **大通河** 志又縣西四十里有惠

民富民二河八十里有天仙 **北新河** 明統志南新河此崇明內地之支河也 **北新河** 明在崇明縣

北五十五里海水北流而入與北新河通北新河在縣北六十二里海水西流而入縣志今三沙圪

河道亦 **洪** 在崇明縣西八里有渡口西南至本州符湮塞 **洪** 劉河口海面約七十里為往來通道

滙龍潭 在嘉定縣學宮前明萬 **菊花泉** 在寶山縣歷十六年知縣熊密海 **菊花泉** 出楊涇相

傳下有泉眼
飲之益壽

古蹟崇明舊州

在今縣東北本古海中沙地元史地理志崇明州本通州海濱之沙洲宋

嘉定間置鹽場屬淮東制置司元至元十四年陞
為崇明州蘇州府志唐武德間海中湧出二洲即
今東西二沙宋時續添姚劉沙與東沙接壤即今
崇明舊治建中靖國初又漲一洲于西北即今三
沙鼎立海心所產魚鹽淮浙之民樂居之後各以
其司獻于官於是韓侂胄張循王劉婕妤三莊
開禧三年廢韓氏莊嘉定十五年更置天賜鹽場
至元十二年省撤揚州知府薛文虎招徠撫輯以
其民物阜繁請于朝乞升姚劉沙為崇明縣改崇
明鎮為西沙以屬之十四年升為州隸揚州路至
正十二年徙治于州北十五里東沙明洪武初改
為縣八年改隸蘇州府縣東至大海岸二十里西

南至嘉定縣治一百七十里城周九里縣志永樂
十九年徙治舊縣北十里秦家村築城正德中縣
治漸圯於海嘉靖八年遷治馬家浜西南築土城
二十九年海水噬城東北隅復移治平洋沙築磚
城萬歷十一年城東隅復圯於水十三年圯於長
沙即今治縣凡五遷其前三治城郭里居半歸烟
海惟平洋沙城
崇明廢鎮
在崇明縣東北西沙亦
遺址猶彷彿云
崇明廢鎮
名顧俊沙王存九域志
海門縣有崇明鎮舊志五代
時楊吳置元至元十四年廢
寶山廢所
在今寶山
距海西濱吳松江明洪武三十年建旱寨於此正
統九年築城于寨左嘉靖三十六年更名協守吳
淞中千戶所後城漸圯萬歷五年改築新城于旱
寨北周二里有奇更名寶山千戶所
本朝順治
初設寶山城守備十八年以海禁
太倉
即今州治
徙廢舊志在嘉定縣東南八十里
舊曰東倉

晉書顧衆傳咸和三年蘇峻遣其黨張健據吳衆自海虞由婁縣東倉與賊戰敗之水利書今崑山縣東地名太倉舊志元至元十九年宣慰朱清張瑄等建議海漕置海運倉于此是時海外諸番交通市易謂之六國馬頭蘇州府志崑山州東三十六里地名太倉濱婁江海漕每歲皆由此出延祐九年遷崑山州治焉至正十三年台州方國珍由海道自劉河犯境乃立水軍萬戶府建置鎮海寧海靖海三十戶所十六年張士誠據吳遣僞將高智廣守太倉尋為國珍所襲兵退乃築城十七年徙崑山州還故治惟置軍營于此明洪武初置太倉衛及抽分行木場宏治十年始割崑山之新安惠安湖州三鄉常熟之雙鳳鄉嘉定之樂智循義二鄉置太倉州于此按太倉之名始見于宋邨鹽水利書于古並無所見舊說或謂春秋時吳王所置或謂漢吳王濞及吳越錢王所置皆屬臆說

即陳仲太倉事跡所云孫權結好于公孫
淵置倉于今武陵橋北者亦無確據也
滬瀆城

在嘉定縣西南四十里即袁山松城也陸廣微吳

地記崑山縣南百九十步有山松城隆安二年為

吳郡太守時築以禦孫恩在滬瀆池濱半毀江中

縣志在今縣治西南四十里吳淞江南又見上海

膠城在嘉定縣南門外唐有膠城鄉名勝志元時
得古冢碑石云唐咸亨二年莊府君葬于膠

城鄉即此地也今名膠城元設教
鴻城在嘉定縣

場于此一名膠塘又名婁塘
南越絕書

婁門外有鴻城故越王城也去吳縣百五十里姑

蘇志塢城在嘉定縣之南五十里吳淞江南相傳

吳王所築按鴻塢字相類
練祁市即今嘉定縣治

道里亦相近蓋即一城也
本崑山縣之春

申鄉地宋置屬平江府吳郡志練祁市在府東北

四十里嘉定十年知平江府事趙彥楠奏崑山縣

治東至練祁市七十里自練祁至江灣又七十里
通計一百四十里欲割崑山西鄉之安亭並東鄉

之春申臨江平樂醋塘凡五鄉別為一州就
練祁要會之地置立縣治以年號為名詔可黃姑

村在州張涇闊渡東南三里相傳牽牛織女二星
降其地織女以金筐畫河水湧牽牛不得渡土

人因立祠俗呼織女廟
廟西有水名百沸河
新豐鄉在嘉定縣南三十

中里民築土得石刻曰唐
新豐鄉今之黃渡即其地
蝦港在崇明縣東三沙

至此有大蝦二湧
楊涇在寶山縣西四十里土人
水挾船出海因名
楊九娘性至孝父命夜守

桔棹為蚊嚙不易其處竟以羸死里
人傷而祀之其地廣九里今絕無蚊
滄江風月樓

名勝志州故有滄江風月樓今在州治北巷口
元之酒館也相傳楊維禎張雨俱曾飲其上
春

水船

在州城內武陵橋下元咸陽教諭殷奎讀書處奎有詩云江南何處憶當先先憶我家春

水船有酒有花重慶

墨妙亭

在州城北二里元浙江軍器提舉顧信建

日無風無雨太平年

信從趙子昂遊得其書即摹諸石因以名亭信好

施捨宅為寺今淮雲寺即其故宅也亭在寺中

畏壘亭

在嘉定縣西南安亭鎮接崑山縣界明歸有光讀書處自為之記

江雨軒

在鎮洋縣東北五十里州志在萬涇北沙

元荆門吏目偶桓所居又有蒼浪軒樂隱園

頭鎮團溪之上元瞿逢祥即東園在州東

隱居之所楊維禎有記樂郊園門外明王錫爵

種芍藥處錫爵孫時敏所築

水石亭榭皆一時名流所置

世貞築中疊三峯曰上翁中翁下翁極園亭林木

之勝又有賁園在其西世貞子士驥築又有澹圃

世貞弟 **學山園**

在州城內明張輔之子所築最為名勝

仙人踪

在嘉定縣

南馬陸村有池如人跡水旱無盈縮

婁塘古松

在嘉定縣婁塘鎮北野田中大可十圍橫

亘數畝相傳北宋時物

古梧桐

在嘉定縣七都浦陳氏墓大可兩合抱高十丈數百年物

也海舶在洋中百里外即見此樹

關隘張涇關

在州城南三里又半涇關在州東三里吳塘關在州西三里古城關在州北三里

里州志四關元屬水軍都萬戶府明屬太倉衛俱分撥官軍掌守後水道湮塞其半涇等關皆正統

七年廢惟存張涇一關鎮海衛撤軍管守今亦廢

崇明沙守禦所

在崇明縣東

沙舊縣治東南明洪武初置東沙巡司二十年改置守禦千戶所隸太倉鎮海衛嘉靖中移治新城

三十八年改守禦為都司尋置叅將府本朝順治八年改置崇明營十三年以蘇州水師總兵官

移鎮焉為吳淞營即今寶山縣治地當吳淞江北

江南重鎮所屬太倉衛築土城周五里有奇門四其地當吳

淞江入海之口去海北三里許最為衝要嘉靖初

以海潮侵噬東北隅漸傾副使王儀更築土城於

舊城西南一里十九年移治土城三十一年甃以

磚號曰新城本朝順治初改為吳淞

營設副將協守康熙六年改設叅將劉河營在

洋縣東南姑蘇志劉家港北岸海口與嘉定縣接

境元置分鎮萬戶府至正初又於江南北岸各立

萬戶府明初置劉家港巡司正統初設寨成化十

八年增立城堡嘉靖四十五年建叅將府增築磚

城周三里環城浚濠萬厯初改置遊擊營本朝

仍設水師遊擊一員沿海防禦故城尋被海潮衝

圯康熙六年移駐萬涇鎮冊說舊有劉七鴉營在
河所本朝康熙二年并入鎮海衛州

東北七十里七鴉港口明初設七鴉把守
官軍營築土城今屬劉河營分兵戍守
太倉衛

在州城內明
吳元年置
鎮海衛
在州城內明洪武十
二年分太倉衛軍置
甘草市

巡司
在州城東北七十里又名甘林市東
臨大海明洪武七年置巡司今因之
南翔巡

司
在嘉定縣南二十四里移江灣巡司駐此范成
大吳郡志崑山臨江鄉初掘地得石徑丈餘嘗

有二鶴飛集其上久之鶴去不返石上忽有一詩
云白鶴南翔去不歸惟留空跡在名基因建南翔

寺名鎮曰南翔鎮
鎮西有白鶴村
顧徑巡司
在寶山縣西北十二
里月浦鎮舊志顧徑

在嘉定縣東三十里宋淳熙十二年殿前司奏許
浦所管南船移戍崑山顧徑港擇高地建寨寶慶

元年許浦都統制吳英申言列戍江海界分渺濶所管隘口惟顧徑最為緊要明初置顧徑巡司今

移駐月浦鎮在嘉

定縣東三十六里**豹貌鎮巡司**在崇明縣豹貌鎮

西沙三沙三巡司通志舊有大安巡司在縣城

本朝雍正十二年裁并半洋沙乾隆三十三年半

洋沙改屬海門廳其

巡司移駐**雙鳳鎮**姑蘇志在州北二十

晉成帝時耕者斷土皆五色得一石函中有

石龜二化為雙鳳而去故以名鄉鎮亦因之**璜涇**

鎮在州東北六十二里近鎮有涇涇中有石如璜

富人欲取為山不能起是山根也明成化間

鎮**葛涇鎮**在鎮洋縣東北四十五里有遊擊守備

駐防舊志宋置楊林寨明初置巡司今

裁又元置崑山巡司洪武七年改唐葛涇港口巡

司在州東北五十四里成化七年移治東花浦口

萬厯中廢沙頭鎮在鎮洋縣東北三十六里明時外岡

鎮在嘉定縣西十二里為水陸要衝新安鎮在鎮洋縣東北三十

嘉定分界安亭鎮在嘉定縣西南二十里高橋鎮在寶山

四十里清浦港之尾南連上海縣界北至海西瀨吳淞江舊志明洪武十九年建堡城鎮海衛分軍

防守三十年又建一寨與堡城對峙太倉衛分軍防守今堡廢江灣鎮在寶山縣

里宋初置商量灣寨建炎中改置江灣義兵寨紹興中韓世忠以中軍駐江灣是也淳祐九年又置

江灣忠節水軍寨元置江灣巡司明因之今移駐南翔鎮蘇州府志江灣寨在嘉定縣東南吳淞江

口巡司在寨東市在寨北大場鎮在寶山縣西南三十六里羅店

鎮

在寶山縣治西北三十六里通志元至

楊家河

鎮

在崇明縣東八里又新開河鎮在縣東仙景沙

塗松市

在州東北三十里傍七浦塘

舊為塗松

鎮宋元豐間去鎮為市偽

新鎮

在崇明縣西北

吳張士誠嘗築城營兵於此今圯

三十三里又平安

鎮在縣西東阜沙

津梁安福橋

在州城內州治南元天歷六年陳門橋建下為太倉陳門二塘合流處

在州城內西南跨陳門湮上

海門第一橋

在州城東水關

一名鎮民橋元至順中建

內元至順

廣安香花橋

在州城北直塘市廣安寺前俗名市前橋宋紹興中

元年建

建

義興橋

在州東北沙頭鎮跨七浦塘

木魚橋

在州城南門外普濟寺前一名

晉寧橋跨張涇元
袁華宅在其側
武陵橋在鎮洋縣治西南舊名惠安橋俗名大橋跨致

和塘上又西
拱星橋在嘉定縣治東
賓興橋在嘉定縣

有稅務橋
治南文廟前宋淳祐中建明
虬橋在嘉定縣西南
天順中易以石更名青雲橋黃渡鎮跨吳淞

江
嚴泗橋在嘉定縣西南二十六里跨
月浦橋在

山縣東月浦鎮一名步月
安亭浦上與崑山青浦接界
海音橋在寶山縣西舊

元虞集嘗泊舟玩月于此
元調記吳淞江守禦千戶所之西三里港
青龍港

曰米洶為練祁之水東合月浦入海處
橋在崇明縣東
關千橋在崇明縣南
大通橋在崇明縣

北門外跨
施翹港
阜安橋在崇明縣城西四十里
萬安石

橋

在崇明縣城西十二里周神廟鎮

施翹河渡

在崇明縣西七里西至本州七鴉口

海面約四十里舊有斜河渡船港黃家港舊城河界溝關沙等渡今俱廢

天妃宮閘

在鎮

洋縣東南劉河上距海口十里有天妃祠元海運入海處本朝康熙十年重建二十年重修

陵墓宋郊冢墓

在太倉州大北門口

孫察墓

在嘉定縣集仙宮旁為葬衣冠之所

元秦玉墓

在州城西吳塘上

明毛澄墓

在州城北

王忬墓

在州城東

子世貞世懋附葬

張溥墓

在州境

章黼墓

在嘉定縣項涇東

沈輔墓

在嘉定縣六和橋

侯峒曾墓

在嘉定縣

祠廟織女廟

在州城南七里黃姑塘

世忠廟

在州治雙鳳鎮祀吳越王錢鏐一門

五杜拾遺廟

在嘉定縣十五都祀唐杜甫

龍王廟

在崇明縣西關外長沙向

建城中城隍廟右以西海埧迫康熙三年移建天妃宮北

忠孝祠

在嘉定縣治東祀宋忠臣

孫察姚舜元孝子龔明之沈輔沈理後續入明忠臣徐鑒孝子邱可正

孝友先生祠

在崇明縣舊州學內祀元泰玉

二鄉祠

在州學內祀明周文襄忱崔莊敏恭

平江伯

祠

在州治天妃宮之左祀明陳瑄

三賢祠

在嘉定縣治西祀明知縣陳克宅萬思顯張守

直

愍忠祠

在崇明縣治東祀明知縣唐一岑

寺觀香林寺

在州西北古塘灣舊名香雲寺本朝順治十七年寺僧行聞至京隆安寺值

世祖

章皇帝臨幸得見問此僧住何處住持僧以太倉香雲寺奏

工

諭香雲不若香林好康熙十二年禮部

廣安寺

在州北三十里

剏製香林寺扁額給寺因改今名

直塘寺唐乾元初名寶林

法輪寺

在州北雙鳳鎮東晉咸和六年

寺宋祥符元年改今額

支適掘地得二石龜化為鳳因建

隆福寺

在州城西隅長

初賜額雙鳳宋祥符元年改今名

春橋北舊在武陵橋梁天監四年建稱報恩院宋

大中祥符元年改今額明洪武十三年改為鎮海

衛十四年復建

海寧寺

在州城西北武陵橋西梁天監中尼妙蓮建唐宋建

寺前有放生池

宋四年里人郝承

聖像寺

在州陸河市吳僕射徐真捨宅建晉建興二年

直捨宅重建寺

得泛海二

雲翔寺

在嘉定縣南二十四里舊名南翔寺梁天監中始作精舍宋紹

石佛因名

聖中賜額白鶴南翔寺

本朝康熙三十九年

菩

御賜今額

嘉定大清一統志

三

提寺

在嘉定縣西南安亭鎮吳赤烏二年建宋開寶間改賜今額

保安寺

在嘉定縣

東四十五里沙浦梁天監中恒智禪師遊此聞蘆葦中有猛獸因跌坐經旬有老叟饋食見二虎馴狎左右里人建菴居之宋嘉定中改為寺

興教寺

在崇明縣東張成港北唐光化中終南僧

妙聿建宋寶慶中遷于平等村明永樂中徙道安鄉萬厯中徙南沙今遷新河鎮西

慈濟寺

在崇明縣東南隅河泊所東宋淳祐二年建今遷新城學宮左為祝釐習儀之所

寶慶觀

在崇明縣舊縣治北宋寶慶元年建元至正中遷建縣治南十五里有文天祥海上瀛洲遺篆天

妃宮

在崇明縣西關外施翹河宋元祐崇祀于開元漕運者靈加封天妃神號皇慶後歲費香

幡下漕司祭之明洪武改封聖妃永樂七年復今號寶幡諭祭勅主水官春秋崇祀

名宦宋常楙

理宗時知嘉定縣歲大水勸分糴按籍均敷發運使王爚提點刑獄孫子秀

俱特薦

元伊埒哈雅

舊作月里海牙蒙古人皇慶間崇明州達嚕噶齊時兩淮

于朝

運使發州民為竈丁伊埒哈雅不聽運司督之再三終堅持不可事遂寢歲旱出舍寶慶觀齋宿禱雨妻死不歸視含殮謂家人曰天不雨我且無用生況妻子乎甘雨隨至時以為誠感所致尚

實烏葉

舊作山山武毅蒙古人至正間崇明州達嚕噶齊時海多寇盜間井騷然尚實烏葉

率兵勦捕賊衆殺傷無算羣黨立散

任立

太原人授嘉定知州釋冤獄四十九人歲稔全活飢

民六千

餘戶

明劉秩

豐城人洪武初授崇明知縣奏減酒稅鹽課及塗田三萬石有奇

練達

新淦人建文間知嘉定縣視事甫三月靖難師渡江從父子寧被誅達知不免一夕載妻

子赴海死戴肅仁宗時為嘉定縣丞惓惓愛民以連俊

邠州人宣德中知崇明縣歲旱正賦缺供俊請以

豆麥代解報可民以為便明年復大役乃請借常

熟官糧萬石賑民全活甚衆海中王銳建安人宣

田坍糧存者悉言于大吏奏捐之王銳德中知崇

明縣分戶賦為九等別區圖均徭役皆自銳始歲

旱蝻傷禾稼銳為文禱八蜡神降雨三日蝻遂滅

民稱其異孫晉吉水人天順元年由御史左遷嘉定知

縣境吳淞江鹽鐵塘淤塞晉督丁夫

開浚獲一石刻于江岸其文曰王應鵬鄞人正德

得一龍江通時人皆以為異王應鵬間知嘉定

縣被召赴京僚佐饋贐一介不取行至淮有持金

二鎰布百疋以獻者鵬問之曰感恩切肯敢以為

獻應鵬笑曰有是哉乃受布一疋倪宗正餘姚人

仍製衣以賞篋工其清介如此

倪宗正
正德中

由翰林出知太倉州歲大水賑活甚衆復條陳地方利弊六事於朝凡興水利均田賦數十年皆用

其策熊桴

江夏人嘉靖中知太倉州以破倭功再遷蘇州兵備簽事駐太倉公忠多智畧大小

三十餘戰斬獲多屢進右叅政兼副使建崇明福山川沙柘林吳淞江五城開楊林瓦鋪虹江白茆

四渠民甚德之

胡士容

廣濟人知嘉定縣捕豪惡吏民數十人置之法人情大快婁江石塘

久而傾圯士容多方拮据樹以堅木

馬麟

巴縣人

知嘉定縣濬練祁塘十五里凡七日而工畢民用不擾世享其利

萬思謙

南昌人

知嘉定縣倭寇薄城下思謙悉集戍兵相率守禦寇用火攻思謙籲天默禱遂返風兵出擊之寇敗

走

張守直

遵化人嘉靖中授嘉定知縣歲祲發帑賑之全活甚衆簿書獄訟俱手自闕決

不假吏胥凡沙田鹽課及諸
宿弊為民害者悉罷黜之
唐一岑
嘉靖中為崇
明知縣建新

城成一岑謀徙居為千戶高才翟欽所阻未幾
倭寇突入一岑死之贈光祿少卿建祠祀之
孫

喬興
南海人嘉靖中知崇明縣疏濬各沙諸河
溉田萬頃積歲磽鹵盡為膏腴民咸德之
張

世昌
新野人萬曆中知崇明縣民竈爭訟世昌以
法持平無敢譁者築海隄七十餘里捍田萬

餘
劉士斗
南海人崇禎時知太倉州與州
人張采張溥砥礪名節有政聲
文祖堯

雲南人崇禎時為太倉學正繕文廟整祭器諄諄
訓諸生以聖賢之道已而棄官寓荒寺尋歸卒於

道諸生即寓室
為祠曰思賢廬

本朝白登明
蓋州人知太倉州奸胥里豪有犯立置
重法境內肅然試諸生以地方利弊纖

悉畢陳故摘發無不中鄰邑有冤抑者輒訴上官
願下州為理州田高常賴劉河蓄洩為旱澇備歲
久湮塞登明設法濬之州
潘師質
縣時邑蠹衛弁

表裏為奸額外加漕耗若干師質不應羣蠹訟之
上官邑人怨甚斃其為首者憲府窮治其事師質
以書繫臂極言漕耗之害為民父母不
陳慎
文安人順

能拯救請以死謝之遂投秦淮河死

治十年知崇明縣會海潮溢傷禾稼慎力請撫臣
奏免正供一萬八千有奇設法賑恤全活甚衆十

六年海寇犯江寧崇邑孤懸海外慎練鄉勇措兵
餉以死守之築文成壩使兩翼聲勢聯絡民賴以

安
陸隴其

平湖人以進士知嘉定縣縣俗婚喪諸
禮多以侈靡相尚隴其下令禁飭示以

品制俗為之變為政務抑胥吏鋤強梗凡決訟獄
輒以至情悱惻相感動踰年訟者絕少催科立甘

限法應輸者自限輸若干屆期及半即得宥追呼
不擾輸者爭至性淡泊一介不取食米俱自家載
來署中陳地種蔬自給與上官不合劾
去之民罷市三日乞留不得祀名宦
商奕詮

紹興

人康熙間同知州事三揭州篆有能聲沙溪鎮劇
賊馬張二糾夥肆劫奕詮計擒斃之姦僧一念等
尅期倡亂奕詮令城中儆備親率民壯夜擒賊徒
次日按部擒其頭目四十八人餘悉不問州境以
寧尋落職署太
倉貧無以自給

人物宋孫載

嘉定人居練祁市為河中府戶曹歷事
三守皆侃侃與爭曲直會察訪使辟為

官屬時乾祐縣令不奉行青苗法使載按之載言
邑小民貧令實無罪知德清以德化民訟有累年
不決者得一言皆感悟去厯知海沂婆娑諸州皆
務大體時號循吏大觀中以朝議大夫致仕從子

察以朝散郎使北
守節不屈而死

龔宗元

太倉人以鄉貢知句容
縣摘發如神楊絃持使

節行部號深酷至境曰龔君已治吾
往徒擾遂不入仕至都官員外郎

姚舜元

嘉定人為

平江府東南副將守吳淞德祐改元冬元師下平
江舜元語弟舜賓子應龍曰國家厚澤在人大本
未去收合散亡事可圖也元帥偏將東巡莫敢犯
境會大霧四塞襲兵猝至舜元與舜賓應龍皆死

之
元秦輔之

嘉定人博學能文時嘉邑未有志乘
輔之始撰練川志典章文獻爛然具

列又著格物擇善錄易經史
斷武事要覽忠孝百咏等篇

尤鼎臣

太倉州吏至
正末張氏兵

入吳州倖奉印降鼎臣阻之不得為其將
所繫囑以美官不屈扶百餘終身錮之

明顧光

遠嘉定人從太祖入集慶監太軍倉從征陳友諒
督饋運有功歷龍陽太和和州丁憂入京留翰

林編大明律復命監造天下均工圖籍始還鄉持
服起廣東行省郎中光遠性淡泊食取充口衣僅
菽體居解

王彝

字常宗其先蜀人彝父始卜居嘉
定少孤貧讀書天台山師事王禕

無長物

得蘭溪金履祥之傳洪武初召修元史薦入翰林
以母老乞歸坐知府魏觀事與高啟俱被誅所著
有三近

秦約

字文仲太倉人父玉居崇明孝友工
詩洪武初約應召試慎獨箴拜禮部

齊集

侍郎以母老辭歸再徵詣京師上書言事上悅以
約年老難劇任授溧陽教諭御史練則成等薦之
稱為宿學

陸安

太倉人洪武初父德甫以所館客
事連坐當棄市安求代父刑伏闕

遺老云

哀請許之臨刑從容就死觀者
泣下同時陳元吉亦代父受刑

張泰

字亨父太倉
人天順八年

進士選庶吉士授檢討遷修撰為人淡泊自守詩
名推重藝苑著有滄洲集泰與陸欽陸容三人少

齊名號婁東三鳳

陸鈇

字鼎儀太倉人天順癸未會試第一廷試第二授編修歷修撰諭德

孝宗時以東宮講讀勞進太常少卿兼侍讀以疾乞歸卒李東陽嘗稱其詩而惜其天不假以年云

陸容

字大量太倉人成化中進士授南京主事進兵部職方郎中西番進獅子奏請大臣往迎

容諫止之遷浙

姜昂

字恒類太倉人成化進士除江參政罷歸

棗強知縣授御史偕同官劾

方士李汝省忤旨受杖歷知河南寧波皆有聲終

福建參政昂在官日市少肉供母而自食菜茹既

歸室不蔽風雨粟匱則啜麥粥子龍正德初進士

歷禮部郎中武宗南巡率同官諫罰跪五日杖幾

死歷雲南副使兵備瀾

王倬

字用簡太倉人舉進士知山陰縣累官至

治姚安三年番漢大治

南侍郎性孝友歸制家廟割田千

章輔

嘉定人中年足病絕

畝瞻族人做范文正義田之意

意進取以六書訛謬乃遵洪武正韻參以三蒼說文玉篇韻會諸書考訂同異編韻學集成十三卷

又直音

龔宏

字元之嘉定人成化進士歷兗州知府正德時為湖廣布政使中貴縱僕

從殃民宏盡收繫之黃河溢宏由應天府尹擢右副都御史治之河患旋止兩進工部右侍郎及尚

書並領河事河道之設專官自宏始

沈瑄

字君玉嘉定人母病目眇之而愈父病偃僕醫欲灼

艾鍼之瑄試之痛甚固請止父夢神人語曰吾感孝子意為汝鍼之鍼而驚汗遂愈後父歿廬墓三

年又同邑沈輔父病輔與妻瞿氏願減年益父壽及歿廬墓三年宏治中並旌表

毛澄

太倉

人生而穎異宏治癸丑舉進士第一人授翰林修撰歷官禮部尚書宸濠嘗奏欲令撫按諸臣朝服

進見又居母喪偽孝行荷鎮巡請旌表澄援例據經折之皆罷嘉靖初議興獻王主祀稱號澄據宋

儒程頤議前後錄上凡五疏執愈堅稱歸鉞字汝

號遂定主祀事寢卒謚文簡祠鄉賢

定人繼母諧于父杖而逐之父卒母獨不納因販

鹽市中時私其弟問母致甘鮮正德初大饑鉞迎

母奉養每得食先母弟而後己母為感悅族子繡

亦業販鹽養母嘗罄資救弟緯於獄人稱歸氏二

孝徐鏊嘉定人業醫供事內殿武宗南巡以其術

子諫詔下獄謫戍世宗立召還擢御醫守一

官三十年以年老求致仕尚書李默疏留之會考

詣禮部值同邑徐學謨為吏部郎中引見尚書吳

山山曰此武廟時徐先周在字善卿太倉人正德

生耶何淹也尋遷院判進士授寶坻知縣忤

太監王孜械治之尋還職有薛鳴鳳者附劉瑾蒙

罪竄匿在按治之薛賂朱寧誣奏復繫獄廷杖尋

擢御史嘉靖中桂萼力薦王瓊在疏論瓊陰賊險

狠下鎮撫再杖出為吉安推官歷武昌道終浙江

參政王忬太倉人嘉靖辛丑進士以御史巡按湖廣時大璫鎮承天為民害忬至與約毋縱舍

人子漁百姓璫慚不敢犯再按順天備禦有方擢僉都御史巡撫山東會倭起以忬巡視江浙邀擊

大創後先告捷會薊遼總督員缺即命忬往時練兵議起嚴嵩陰扼之以失事下獄論死天下冤之

隆慶初子世貞字元美忬子嘉靖進士奸疏訟詔復其官王世貞為詩古文官刑部主事遷

郎中哭楊繼盛于東市經理其喪失嚴嵩意出為青州副使以父忬下獄解官叩闕請救卒不免隆

慶初兄弟伏闕訟父冤大學士徐階左右之復忬官世貞意不欲出會詔求直言疏陳八事以應詔

尋遷浙江右參政歷進太僕卿萬歷初以副都御史巡撫鄖陽終南京刑部尚書世貞才最高望最

顯聲華意氣籠蓋海內與濟南李攀龍等號七才子名更出諸人上所著有弇州四部稿弟世懋嘉

靖進士終太常少卿文章與兄齊名**王在復**太倉人嘉靖中倭寇之

顧存仁

字伯剛太倉人嘉靖進士歷禮科給事中疏請赦戍臣楊慎馬錄馮恩呂經等召用

累年言事謫責之臣且請懲吳璋葉凝秀忤旨廷杖編氓口外穆宗立起歷太僕卿先後條上馬政十三事悉**龔可立**嘉定縣諸生嘉靖中倭寇皆報可之亂以衛祖母並見殺**趙中**

行

字子與嘉定人嘉靖中舉人勵志節以經濟自負時邑有倭警畫守禦策料敵悉中兩上春官

不第有故人官給事中重其才薦於嚴嵩嵩欲授以臨清知州中行聞之夜半促裝南還家居鷄衣

藿食絕

王錫爵

字元馭太倉人嘉靖末會試第一廷試第二授編修萬歷初歷詹事

意仕進**王錫爵**字元馭太倉人嘉靖末會試第一廷試第二授編修萬歷初歷詹事掌翰林院張居正奪情將廷杖吳中行等錫爵造居正喪次切責之進禮部右侍郎居正甫歸治喪

九卿亟請召選錫爵獨不署名累官禮部尚書兼文淵閣大學士首請禁諛諛抑奔競戒虛浮節侈靡閱橫議簡工作帝咸褒納時冊立久不行錫爵切諫不報及為首輔以擬三王並封旨為言官所攻乃自劾三誤乞罷不許歷改吏部尚書進建極殿卒贈太保謚文肅子衡字辰玉有文名登萬曆辛丑進士廷對第二授

李繼貞

字徵尹太倉人萬曆進士除大名推

官歷遷兵部主事天啟中以典試山東試錄刺魏忠賢坐削籍崇禎初起職方郎中有聲會帝召見獎其有執持因問大將數人而論以推舉帝慎重繼貞上推陞論功六事多報可力杜請托為羣小所讒以他事註誤落職尋薦起歷兵部右侍郎兼右僉都御史巡撫天津會詔發水師援遼坐戰艦不具除名未幾急邊才廷臣交薦召
張恒字明初仍授兵部右侍郎卒贈右都御史

嘉定人

萬歷進士歷江西按察副使覃恩經衍議
論深醇往往抵排姚江王氏著有明志集
婁堅字

柔嘉定人經明行修為學者所宗貢于國學工詩
文善書法晚與唐時升程嘉燧稱練川三老嘉燧

歙人流寓嘉定
唐時升
字叔達嘉定人師事歸有
詳見徽州府志
光得其指授發為詩文咸

有矩度好古人奇節偉行及謀臣策士之畧嘗
決塞上用兵虛實勝負多不爽所著有三易集
張

振德
嘉定人以選貢知四川興文縣兼署長寧時
蘭賊作亂振德日夜巡城自度形勢不能保

退檢篋中銀兩許授幼子緄曰吾不及見汝冠矣
促之行未幾賊眾薄城下振德方出戰忽大雨城

摧賊擁入振德左手持兩印右手執匕首危坐廳
事妻錢氏與兩女生後堂積薪坐側賊逼俱投火

死明日賊至火焰中見振德尸面如生兩印在手
堅不可取皆駭愕稱忠臣羅拜而去事聞贈光祿

卿謚忠愍

侯震暘

字得一嘉定人萬歷進士天啟中擢給事中時保母容氏再召震暘上疏

極諫不省尋又劾閣臣沈淮交結容氏及諸中官

為朋黨忤魏忠賢意被謫震暘在諫垣八月章奏

凡數十上時

侯峒曾

字豫瞻震暘子天啟初進士授南京武選主事崇禎初改

服其謬謬

文選主事歷郎中出督江西學政杜絕請托以浙

江右叅政召為順天府丞未赴而京師陷福王用

為左叅政辭不就南都覆州縣多起兵自保峒曾

偕里人黃淳耀等誓死固守城破與二子元演元

潔俱赴

張溥

字天如太倉人幼嗜學所讀書必手抄訖朗誦一過即焚之每首如是者

六七始已因名所讀書齋曰七錄與同里張采驥

力經史名籍甚時號婁東二張創為復社登崇禎

四年進士改庶吉士以葺親乞假歸讀書若經生

寒暑無間四方噉名者爭走其門詩文敏捷揮毫

四年進士改庶吉士以葺親乞假歸讀書若經生

立就卒年四十後因周延儒廷推張采字受先太

詔徵溥遺書三千餘卷帝悉留覽張采倉人崇禎

初進士力學負文譽與同里張溥友善溥性博愛

而采特嚴毅喜甄別可否人有過嘗面叱之歷官

禮部員外郎有知畏沈雲祚字子凌太倉人崇禎

堂集及太倉州志進士知華陽縣張獻

忠陷城被執不屈死之本朝黃淳耀字蘊生嘉

乾隆四十一年賜謚忠烈

舉文原本六經出以典雅崇禎十六年進士京師

陷福王立南都諸進士悉授官淳耀獨不赴選及

南都亡乃偕弟淵耀入僧舍相對繼死年四十有

一淳耀弱冠即著自監錄知過錄為日歷畫之所

為夜必書之所作詩古文悉軌于先正卓然名家

著有陶菴集門人私謚貞文本朝乾隆四十一

年賜謚忠烈淵耀字偉沈廷揚字秀明崇明

為內閣中書舍人崇禎十二年山東運道多梗廷
揚陳海運之策帝喜即命造海舟試之廷揚乘舟
由淮安出海抵天津僅半月帝大喜加戶部郎中
十五年命再赴淮安督海運事竣加光祿少卿及
南都潰廷揚航海至舟山明年督舟師北上至鹿
苑颶風起舟膠于沙為大兵所執不屈被戮
本朝乾隆四十一年
賜諡忠烈

本朝王時敏

字遜之太倉人衡子明崇禎初以廕歷
官太常卿奉使楚閩饋遺一無所受入

本朝杜門稽古益工詩文兼
精隸書畫法並為海內所珍
陳瑚字言夏太倉人明崇禎壬

午舉人通五經求為實學國變後絕意仕進父病
刺血籲天願以身代父卒遺產悉讓之弟著有聖
學入門求道錄等
呂雲奇字石英太倉人鼎革時
書從學者雲集
偕父匿叢棘中避兵父

被執雲奇即躍出抱持其兵乞免皆被殺死猶兩
手抱父頸不釋殺時妻葉氏截指置棺中自矢守
節同縣江德瑱事母以孝稱德瑱避
亂遇兵其子抱父求免遂同被害
陸元輔嘉定人少

師黃淳耀以敦篤之姿精微之學稱之自早年以
存誠主敬自勵至老不倦其學博極羣書而要歸
于六經士大夫相語往往稱陸先生不舉其字也
康熙十七年有以博學鴻儒薦者以不入格罷歸

所著有十三經註
陸世儀太倉人少穎悟尤究心
疏類抄續經籍考
先儒語錄及經濟諸書

順治間學政張能麟聘朝儒宗理要嘗講學于錫
山東林書院說易于毘陵大儒祠受業者數百人

所著有思辨
周象明太倉人康熙壬子舉人性行
錄論學酬荅
端潔臺司延請講學象明正

容就席為說洪範九疇大旨及先賢敬一箴精切
詳明一時父老子弟莫不拱聽著有七經同異錄

尚友編事物考辨蘇松田賦備考
共數百卷後門人春秋祀之

周士晉

字康侯
嘉定人

母病久傾家療之貲盡醫言惟得人乳可再生士
晉謀于妻李氏即棄九月兒以乳乳母三月而母
病痊越十二年有僧為殷氏子推命怪其年月與
周氏兒同詰之則得諸道傍者也由是兩家通往

來父子

復合

流寓明程嘉燧

休寧人僑居嘉定刻意為歌詩善畫
山水晚年論唐宋以來之詩抉摘深

微著有松

園浪淘集

列女元朱虎妻茅氏

崇明人大德間虎官都水監坐
罪籍其家吏錄茅氏及三子赴

京師太醫提點師中乞歸家欲妻之茅氏誓死不
從母子三人以裾相結連晝夜倚抱號哭師知不

可奪釋之茅氏託居永明張氏太倉人年十七嫁周氏夫之父為百

夫長嘗與同伍謀刺其帥事洩罪連其子及婦將斬之帥之子惜張容姿曰能從我即活張怒罵帥子拔刀磨其頸張罵不絕口帥子怒而殺之張鎰妻王氏太倉人鎰早亡二孤相繼

天氏求自盡父母患之以幼姑伴一夕夜分姑就寢氏自繼年二十七嘉靖中立祠旌表焉沈

承妻薄氏太倉人承有雋才而天氏為詩百章弔之詞極酸楚踰年值承忌辰酌酒一慟

而絕趙宦光妻陸氏太倉人宦光棄家廬墓與氏偕隱寒山氏工詞翰流布一時著

有臥雲閣集考張氏嘉定人張耀女嫁汪客之子客妻姬多與人私氏時時泣

語其舅夫終不省姬所私惡少中有胡巖最桀黠謀于姬遣其子入縣書獄巖等登樓縱飲呼氏飲

酒氏不應巖從後攫其金梳氏詈且泣酒罷巖犯氏氏大罵以杵擊巖巖怒走出氏號泣竟夜明日偃召諸惡少縛氏椎斧交下一人刺其頸一人刺其脇共舉尸欲焚之尸重不可舉乃縱火焚其室官逮治巖等皆伏辜

張樹田妻宣氏

嘉定人樹田狂虐無人理

人皆為不堪及樹田死婦哭之極哀樹田有友沈師道亦死其妻孫氏送夫喪過河下因求見宣以死相要遂同日自縊宣被救甦而孫竟死後三年宣疑父母謀欲嫁之登樓自縊年二十五

本朝袁氏女

崇明人許字施雍和未嫁夫亡氏奔喪守節順治十年海賊圍城慮城潰受辱

哭柩前誓死事聞旌表

楊貞女

嘉定人許字王新政未嫁夫亡女誓不嫁未幾父渡海溺

死母憐其少令他適女前髮置父靈座自經于側順治年旌又崇明張氏女寶山沈氏女俱未婚

守節家欲奪

楊春暉妻曹氏

嘉定人夫亡自縊家
人解之扶左目自毀

其志投環

依父以

龔廷諫妻王氏

嘉定人早寡守志里克徐
月溪糾眾劫氏欲犯之氏

居終身

給以少憩即出趨縫其衣赴宅後池水死衆索之
見尸特立水面乃駭散未幾月溪病背癱死雷擊

其
陸京妻王氏

太倉人京為仇所害氏哀號奔控
仇人授首教子守節以終雍正三

年

旌表又太倉州黃九芑妻尹氏曾光旦妻陸
氏祝瓚臣妻陸氏錢宏基妻曹氏顧慎妻龔氏生

員

吳德愷繼妻蔣氏程民望妻胡氏周韶祥妻陸
氏監生趙錫純妻諸氏諸信服妻陳氏盛守貞妻

吳氏

陸世爵妻唐氏龔素貴妻周氏仲祖山繼妻
高氏生員顧崧妻戴氏錢浩妻陸氏監生王玠妾

曹氏

張四起妻陳氏王子和妻沈氏湯發祚妻徐
氏曹子藩妻張氏生員顧鼎新妻韓氏生員毛天

駿妻李氏毛曦谷妻陳氏李文治妻周氏錢崇妻
陸氏丁毓妻唐氏閔宗銳妻陸氏陸蟠妻柳氏張
于臨妻王氏金龍徵妻凌氏陳于忱妻過氏俞掄
妻歐氏張浩妻陸氏王祖植妻全氏王寶國妻陳
氏呂應爵妻王氏王清妻顧氏王國章妻周氏陸
士龍妻張氏吳文俊妻金氏曹虞翔妻鄒氏貢生
張瑛妻錢氏李叔佩妻孫氏生員陸照妻吳氏朱
國鎮妻唐氏程繼鶴妻顧氏戴藻如妻劉氏陳振
威妻朱氏顧天爵妻程氏顧貞侯妻李氏生員董
有慶妻顧氏方致安妻朱氏程進妻李氏生員郁
元裳妻吳氏王源度妻侯氏錢金錫妻呂氏陳拭
妻陸氏邢廷鏡妻王氏生員王光宗妻季氏薛介
玉妻袁氏生員盛亨繼妻蒲氏妾項氏陳汝楠繼
妻張氏監生錢一泓妻何氏妾姚氏王氏顧贊妻
張氏華士榮妻陳氏監生王尊美妻黃氏呂方旭
妻高氏徐清妻周氏徐挺妻顧氏高茂德妻陳氏

高曠妻楊氏王馨鼓妻毛氏李世淵妻余氏徐覺
妻施氏孫茂甫妻陳氏吳麟錫繼妻王氏周世爵
妻朱氏李洪妻顧氏顧思仁妻陸氏黃景妻周氏
楊俊妻倪氏龔瑞儀妻瞿氏生員楊峰妻王氏聞
晉侯妻張氏張懷德妾顧氏張肇基妻朱氏王煜
妻劉氏陸楨妻蕭氏蕭鳳翔妻葉氏俞念曾妻周
氏陸振妻沈氏曹應侯妻馮氏蔣受慎妻張氏監
生錢績曾妻范氏顧秉貞繼妻楊氏趙勳妻高氏
金鸞妻王氏曹翼妻顧氏監生方超妻俞氏張仁
佩繼妻陸氏李宗瀚妻張氏凌秀章妻華氏李佐
仁妻余氏生員王士美妾徐氏生員王格妾錢氏
生員陸英妻周氏貢生顧鳳池妻薛氏顧大本妻
王氏顧燭妻陸氏馬峰秀妻凌氏許大成妻張氏
監生王師度妻陳氏許宏緒妻陸氏胡進士妻朱
氏張德遠妻錢氏胡天中妻顧氏監生郁肇基妻
胡氏陳端如繼妻王氏張鳴雷妻章氏監生陸之

芬妻李氏楊無穀繼妻沈氏貞女金一鶴聘妻張
氏蕭懿業聘妻王氏王夢蛟聘妻李氏方洽聘妻
顧氏周魯觀聘妻李氏呂元壘聘妻邢氏錢大鑑
聘妻朱氏王暄聘妻吳氏沈煥如妻董氏周之轍
妻孫氏王允中妻朱氏姚文英妻宋氏閻昆爵妻
顧氏徐雲高妻趙氏顧怡妻郁氏貞女凌氏張思
孝妻沈氏趙嚴妻侯氏王儼妻錢氏徐煥章
妻陸氏季信仁妻陳氏俱乾隆年間旌表陳如

鏞妻陸氏

鎮洋人夫亡守節又同縣張天球妻王
氏陳于惺妻李氏盛份之妻顧氏張良

輔妻陳氏生員王履吉妻倪氏王之混妻周氏金
彥威妻王氏沈雲韶妻郭氏顧我敬妻呂氏生員
張瑄妻徐氏黃永卿妻錢氏盛大禮妻張氏生員
郁兆枚妻季氏杜緒祖妻王氏王瑞琪妻邵氏楊
鏡妻何氏馬煜妻葛氏金本妻汪氏顧璣妻陸氏
生員陸祖襄繼妻錢氏沈大德妻胡氏蕭侯妻金

氏顧拔妻徐氏俞仁甫妻陳氏生員張卿臺總妻
錢氏生員王修妻顧氏顧玉鉉妻曾氏王照妻顧
氏吳明俊妻季氏邵子立妻陳氏李雯妻陳氏李
學泌妻杜氏顧學詩妻陸氏生員張景平妻葉氏
曾赴元妻楊氏生員曾環妻楊氏楊尉元妻周氏
汪煥妻周氏郁壘妻吳氏李之彬妻張氏金克明
妻周氏王槐妻顧氏李永吉妻孫氏生員王大受
妻聞氏徐士榮妻王氏汪瀚妻吳氏王上林妻沈
氏趙熙繼妻張氏王文杏妻張氏陸殿臣妻陳氏
龔純妻王氏吳廷松妻蔡氏汪邦桷妻沈氏江瑞
旭妻郁氏沈文明妻史氏生員沈昌灝妻周氏盛
佺妻王氏沈大謨妻嚴氏顧照妻徐氏生員王星
妻呂氏徐有慶妻嚴氏朱雲翥妻金氏王聖宮妻
管氏生員浦礪妻許氏生員王汝麟妻沈氏楊子
熊妻謝氏吳耒極妻王氏徐旭齡妻羅氏陸鴻俊
妻張氏吳文謨妻王氏童碩妻王氏生員董澄妻

邵氏生員施均繼妻王氏生員王棟妻顧氏何洪
聲妻王氏陶琦妻張氏生員林徐筠妻王氏楊履
吉妾金氏金德求妻管氏張垣妻毛氏陳紀宗妻
周氏徐麟錫妻唐氏俞永昌妻陸氏生員郁全斌
妻潘氏生員胡虞允妻毛氏監生許詒妾朱氏桂
堂妻蔣氏孫坤妻張氏生員李金澄妻王氏金石
麟妻郁氏李堦妻朱氏吳循轍妻李氏楊名世妻
李氏吳惟敬妻沈氏生員陸勲牧妻毛氏錢展成
妻陸氏黃紹謨妻周氏桂邦妻丁氏潘志濟妻陳
氏張仁輝妻沈氏妾徐氏朱文炳妻顧氏監生許
照妻錢氏監生侯璋妻張氏毛曜妻徐氏唐天極
妻周氏錢德榮妻顧氏生員吳維弼妻錢氏生員
顧金策妻屠氏陳吉民妻王氏吳文徵繼妻董氏
張鳴雷妻章氏貞女汪燦聘妻顧氏吳光宗妻馮
氏季國棟妻王氏胡樹玉妻沈氏聞
思齋妻龔氏俱乾隆年間旌表

黃天一妻沈

氏

崇明人夫亡守節又同邑郁世宰妻宋氏支世昌妻沈氏徐宏泰妻黃氏王寧妻施氏陳平策

妻

高氏郁文相妻沈氏施應鶴妻邱氏陳令周妻

錢氏

生員施必達妻李氏沈丕泗妻龔氏陸德宇

妻

楊氏費天瑞妻童氏施啟鳳妻徐氏施時煥妻

姜氏

吳斌妻施氏黃國藩妻盛氏施裕繼妻楊氏

周朝英妻

劉氏楊世勳妻郁氏生員陸德載妻宋

氏袁國智妻

倪氏陳國智妻黃氏尹天爵妻姜氏

龔廷俊妻

張氏蔡志仁妻黃氏龔啟瑞妻樂氏龔

鑑妻

沈氏戴學禮妻朱氏顧元瑛妻錢氏生員施

廷佐妻

楊氏崔凌雲妻吳氏樊紀妻楊氏生員黃

微垣妻

倪氏李貞妻陳氏宋天申妻施氏黃邦忠

妻龔氏

楊茂采妻龔氏黃廷妻陳氏顧錫爵妻陳

氏閻銘妻

曹氏黃文炳妻羅氏萬里侯妻錢氏生

員施德普妻

郁氏陸文虎妻宋氏施應鸞妻陸氏

陸允瑞妻

邢氏施智睿妻陸氏倪奎光妻陸氏生

員施廷對妻林氏袁承妻陳氏沈欽承妻陳氏張
時承妻沈氏施興臣妻黃氏施淳妻吳氏蔡良才
妻歸氏吳登榜妻張氏沈超妻楊氏徐光進妻朱
氏監生沈續成妻張氏劉文煒妻沈氏沈璣妻郁
氏邱永福妻張氏陳漢新妻宋氏陸晉履妻徐氏
沈文瀚妻林氏陳文江妻沈氏童大倫妻陸氏沈
儒琛妻顧氏葉洲妻錢氏龔樹基妻施氏沈繼英
妻施氏陸廷禮妻楊氏施國元妻李氏陳象巖妻
俞氏鈕圻妻施氏陳朝珍妻陸氏顧以謹妻施氏
季樹緒妻顧氏茅標妻沈氏王尚度妻徐氏范章
琮妻倪氏陳祺妻陸氏監生樊良臣妻張氏沈丕
洛妻施氏施文高妻龔氏顧自新妻朱氏龔仙籌
妻朱氏陳元璋妻姚氏生員陳朱琬妻龔氏倪士
義妻袁氏監生沈咸妻王氏黃世忠妻董氏范德
宏妻施氏貢生沈泰妻倪氏沈嵩妻顧氏朱宏業
妻吳氏吳傳妻施氏沈浩妻龔氏錢上青妻張氏

沈源妻施氏茅惠銓妻張氏陳德延妻沈氏陳鳴
騫妻施氏陳光普妻盛氏龔璜妻施氏陳士俊妻
施氏泰通妻姚氏貞女施廷桂聘妻沈氏黃大有
聘妻袁氏董日穎聘妻黃氏楊廷遠聘妻何氏倪
健聘妻施氏俱乾
侯益妻胡氏嘉定人夫亡守節
隆年間旌表
妻彭氏黃揆九妻張氏張自超妻歸氏許克昭妻
錢氏生員錢方英妻戴氏趙方東妻李氏黃昇妻
邱氏監生姚繩武妻周氏嚴仲倫妻張氏姚克緒
妻蕭氏李世賢妻錢氏范東玉妻吳氏閔公庠妻
錢氏錢洽妻沈氏李遜修妻陳氏宣佩妻張氏殷
復曾繼妻唐氏李端相妻韓氏錢景榮妻陸氏王
舜卿妻錢氏潘雙璧妻陸氏管先妻王氏陳校妻
唐氏吳佳妻龐氏生員唐之龍妻丁氏陳球妻楊
氏錢文憲繼妻朱氏楊啟元妻沈氏袁敬英妻王
氏生員朱震妻盧氏周君德妻王氏陳分彩妻王

氏蕭茂之妻宋氏吳第妻龐氏監生張來詒妻顧氏朱念祖妻諸氏曹天聲妻張氏陳學妻嚴氏姚坤元妻張氏監生金欽妻須氏施大受妻陳氏監生陸書旂妻潘氏嚴嗣達繼妻沈氏錢煒如妻翟氏范束昇妻陸氏張廷璣妻鮑氏生員馬宗道妻沈氏桂懿德妻周氏唐堯如妾吳氏姜秉宗妻黃氏趙時賢妻吳氏陳亮尹妻諸氏陸天章妻沈氏吳牧妻郝氏何邦祥妻錢氏秦霖妻陸氏生員張天儀妻項氏陸廷琇妻周氏徐佩玉妻趙氏項復泰妻侯氏項支伯妻須氏邵衛臣妻錢氏王峻妻張氏生員王藻銘妻吳氏金人寬妻朱氏甘德行妻徐氏姚文肅妻金氏周楷妻嚴氏張士楷妻閔氏姚君翰妻盧氏生員沈大德妻張氏陳獻符妻童氏唐位三妻邱氏生員朱頤妻陳氏徐士宏繼妻陳氏龔尚瑚妻金氏金高吳妻陳氏王廷宰妻吳氏生員瞿大業妻葛氏劉繡谷妻吳氏張廷佐

妻朱氏蔣匡臣妻孫氏陳孝徵妻侯氏郁永珠妻
王氏華鏞妻嚴氏吳世纘妻葛氏朱翊馮妻江氏
徐邦策妻封氏沈球妻徐氏沈雲石妻顧氏水榮
材妻楊氏生員馬華祚妻趙氏徐天章妻王氏王
佩蒼妾甘氏顧秀爵妻朱氏李元慶妻顧氏陸發
祥妻顧氏吳敏修妻姜氏邵繼陽妻夏氏印同璧
妻陸氏李芳繼妻許氏邱九德妻張氏馬賓若妻
宋氏邱咸公妻朱氏徐泗長妻王氏黃灼先妻汪
氏王如錫妻張氏嚴子勉妻沈氏鍾煌妻蔣氏生
員孫國柱妻趙氏張成諤妻胡氏朱介眉妻李氏
倪澄妻談氏范敷達妻陸氏嚴永度妻陸氏劉士
奇妻馮氏褚元進妻陸氏潘君瑜妻費氏季德先
妻朱氏趙錫汝妻金氏朱學易妻馮氏唐宣令妻
劉氏胡邦傑妻馬氏潘鼎新妻金氏趙孟和妻陳
氏趙鈞妻唐氏生員程彬繼妻沈氏王嗣源妻金
氏楊允祥妻蔡氏王鳴岐妻陳氏監生陳錫壤妻

徐氏程琪繼妻王氏孫永公妻陳氏陳永蓀妻褚氏徐御佐妻馬氏盧文燦妻須氏張坦洽妻陸氏陸文吉妻周氏姚玉泉妻張氏范德嘉妻金氏彭漢臣妻馮氏趙廷珂妻楊氏莊自勵妻朱氏張謙益妻程氏姚言遠妻朱氏葉商玉妻姚氏生員蔡曙妻王氏張德臣妻顧氏秦允中妻錢氏曹翊宋妻鄒氏薛耀誠妻張氏丁士龍妻徐氏呂士偉妻朱氏姚聖基妻李氏貢生朱顯繼妻錢氏陳洪謨妻劉氏湯宗恒妻朱氏監生侯永齡繼妻趙氏吳芬繼妻程氏甘時霽妻李氏施鎬元妻朱氏邵漢卿妻陳氏朱佩妻周氏李鑑妻黃氏朱鳴玉妻張氏生員邱一范繼妻江氏錢嘉謨妻杜氏顧睦妻姚氏貞女仇士永聘妻王氏趙春霞聘妻江氏王倅臣聘妻張氏沈雲聘妻錢氏朱璣聘妻邱氏沈煒聘妻張氏張天樞聘妻曹氏楊鳳鳴聘妻顧氏顧純臣聘妻唐氏朱學易聘妻孫氏周東洪聘妻葛

氏范道美聘妻周氏徐雲從妻鮑氏杜思進妻唐
氏程大受妻薛氏封應璫妻徐氏楊忝佑妻曹氏
莊源妻王氏孫永妻王氏胡大勳妻徐氏陳謀妻
程氏王束侯妻朱氏盧宏發妻孫氏金文豹妻王
氏秦乘龍妻徐氏沈耀妻徐氏貞女姚氏楊耕山
妻嚴氏王尚義妻孫氏吳士珏妻朱氏俱乾隆年
間
唐懋才妾陳氏甯山人夫亡守節又同縣陸
德深妻施氏吳昌杜妾顧氏沈德培妻吳氏楊啟
麟妻辛氏生員楊漢妻張氏王集福妻嚴氏生員
高琦妻張氏李雲妻楊氏楊爾能妻張氏李春龍
妻譚氏諸文謨妻李氏金光啟妻張氏李楷妻王
氏茅鳳祥妻張氏夏宗煥妻吳氏生員管徐琮妻
吳氏張有榮妻沈氏黃周司妻王氏侯蓋臣妻楊
氏姚繼徽妻沈氏張文達妻李氏張子英妻周氏
陳敬山妻吳氏監生于景廉妻倪氏袁允昌妻沈

氏沈公執妻王氏張國瑞妻許氏徐子榮妻劉氏
湯綴信妻沈氏王爾章妻吳氏張齊英妻朱氏沈
會川妻張氏陳孟和妻施氏李朝英妻高氏張大
烈妻陶氏生員錢敬妻朱氏宗書城妻施氏張宏
德妻王氏陸思祥妻張氏周成千妻楊氏徐允大
妻沈氏項自樹妻戴氏原任福建延平府知府唐
景亮妾趙氏蔣文衡妻莊氏陳仁譽妻趙氏程溥
妻碩氏王偉繼妻朱氏生員顧杜高妻潘氏項佩
聲妻俞氏妻莊氏顧尚瞻妻殷氏徐桐妻沈氏黃
振先妻傅氏陸聖儀妻錄氏金其華妻徐氏鄭清
如妻支氏管國彥妻潘氏張廷元妻葛氏徐師位
妻趙氏楊啟楨妻張氏陸廷議妻何氏蔡懷城妻
顧氏生員顧陶成妻萬氏哈天秀妻李氏宗煦妻
劉氏曹裕玉妻支氏韓舜顏妻金氏黃永年妻印
氏顧讓妻張氏沈為妻顧氏曹振全妻陳氏曹啟
六妻金氏張玉如妻陳氏曹希禹妻朱氏沈俊侯

妻劉氏唐君茂妻張氏葛瑞生妻顧氏唐義陽妻
吳氏沈宏一妻戚氏蕭書紳妻孫氏孫稼先妻王
氏申藝方妻李氏楊成器妻陸氏沈玠妻趙氏董
三觀妻徐氏文煥妻孟氏楊維敬妻徐氏陳周士
妻談氏侯舜功妻張氏陸漢公妻戴氏妾胡氏金
繼勲妻孟氏生員朱棟妻嚴氏生員嚴曙妻印氏
吳宏城妻張氏謝時鳳妻金氏談士謨妻吳氏楊
志正妻周氏貢生朱章妻金氏生員陳章妻張氏
監生鳳翔妻張氏諸永熙妻王氏張煒妻周氏李
維恒妻金氏陳士元妻曹氏陸乘基妻凌氏陸茂
儒妻浦氏朱格妻范氏王獻章妻袁氏范文炳妻
龐氏馬廷龍妻高氏監生蔡維屏妻陳氏許學洙
妻毛氏沈璋妾陸氏陸大德妻嚴氏吳玉修妻陸
氏周文龍妻許氏貞女唐湛聘妻范氏周繩貴聘
妻浦氏朱方暉聘妻顧氏王志鳳聘妻嚴氏談尚
承聘妻祝氏朱其敏聘妻黃氏趙觀光聘妻楊氏

張儼如妻李氏凌存耀妻沈氏印定曾妻馮氏孫起鳳妻湯氏陳大章妻沈氏陸嘉謨妻黃氏並於乾隆年間先

後旌表

仙釋晉支遁

字道林天竺沙門嘗從金陵乘船至姑蘇訪瞿硎先生於梅里清夜露坐論道

見東南一舍外有氣五色詰旦於南沙盡界斷地得石函函啟二龜化鳳翔逝遁因卓錫開山咸和

六年賜額名法輪寺

土產苧布

出太倉州

黃草布

黃太倉州

草履

出嘉定縣

棉花

大紅

布 崇明大布

欽定大清一統志卷七十一

將

六



海州表

海州

兩漢

三國魏

晉

宋齊梁

魏

齊周陳隋

隋

唐

五代

宋金附

元

明

東萊郡琅邪郡

二郡

存并建元
中為青州
治縣罷

即郛縣

胸縣

胸山縣

胸縣

胸山縣

胸縣

胸縣

胸縣

省入州

屬東海郡

胸縣

胸縣

宋為齊改

郡治武定

周改名

胸縣

胸山縣

胸縣

胸縣

胸縣

省入州

述

武定七年

青其州

東海郡

東海郡

開皇初廢

西海郡

宋魏武定

七年更名

泰始六年

倫置後改

郡為郡

及已口車全書

海西縣

海西縣

廢

建元中郡
徙成建置
北海郡

鬱縣

安流縣

舊縣

宋置郡治
武定中更
舊吏名都
昌郡治

廣饒縣

廣饒縣

廣饒縣

東海縣

東海縣

東海縣

東海縣

建元十二
年省入胸

齊永明中
分置屬北
海郡

齊永明中
分置屬北
海郡

齊永明中
分置屬北
海郡

齊永明中
分置屬北
海郡

齊永明中
分置屬北
海郡

齊永明中
分置屬北
海郡

齊永明中
分置屬北
海郡

齊永明中
分置屬北
海郡

東彭城郡

東彭城郡

東彭城郡

東彭城郡

東彭城郡

東彭城郡

東彭城郡

東彭城郡

梁置

梁置

梁置

梁置

梁置

梁置

梁置

梁置

武定七年

武定七年

武定七年

武定七年

武定七年

武定七年

武定七年

武定七年

龍且縣

龍且縣

龍且縣

龍且縣

龍且縣

龍且縣

龍且縣

龍且縣

梁置郡治

梁置郡治

梁置郡治

梁置郡治

梁置郡治

梁置郡治

梁置郡治

梁置郡治

梁置郡治

沐

新喻縣
屬琅邪郡
復漢南延
初五年復
屬東海郡
祝其縣
屬東海郡
利成縣
屬東海郡
後漢曰利
城建立
年并屬
利成郡

ノ省

利城郡

祝其縣

祝縣

新南泰
章本厚
太康年
復舊東
脚

利城縣
仍為縣生
東海郡

審

束者

籍榆縣
齊魯北海
郡

縣

武定七年
更名
上鮮縣
郡治

洛要縣
武定七年

重刊
復編
郡

齊嚴

廢

廢

僮縣

沐陽郡

沐陽郡

望初廢

武德四年
置新樂縣
屬海州六
年更名祝
其六年省
入懷仁
武德四年
復置海州
州六年省

陽縣

厚邱縣
屬東海郡

建陽國
屬東海郡

陰縣
屬東海郡

厚邱縣

厚邱縣

陰縣

省

東海郡北
武帝置
陽郡

厚邱縣
東海郡屬
屬北東
郡屬廢

更縣
七名
屬海州

懷文縣
東海郡屬
屬海州

沭陽縣
陳省武
屬海州
更名

沭陽縣
東海郡
屬海州

沭陽縣
屬海州

沭陽縣
屬海州

沭陽縣

沭陽縣

沭陽縣

屬海州

武德四年
復置厚邱縣
縣八年省

欽定四庫全書

欽定大清一統志卷七十二

海州

在江蘇省江寧府東北八百二十里治東西距二百七十里南北距三百五里東至高公島大

海一百二十里西至山東沂州府郯城縣界一百五十里南至淮安府安東縣界一百五十里北至山東沂州府日照縣界一百五十里東南至海二百里西南至徐州府宿遷縣界一百六十里東北至海一百里西北至山東沂州府治二百四十里本州境東西距一百六十五里南北距一百九十里東至海十五里至高公島大海一百二十里西至郯城縣界一百五十里南至安東縣界一百五十里北至贛榆縣界四十里東南至海二百里西南至沐陽縣界七十里東北至海百里西北至

沂州府治二百四十里自州
治至京師一千七百里

分野天文奎婁分野降婁之次

建置沿革禹貢徐州之域春秋為魯東境戰國屬楚

秦置朐縣漢屬東海郡後漢至晉因之劉宋泰始

六年僑置青冀二州

治鬱州見宋書志而魏收志作廢帝子業置誤

蕭齊

兼置東莞琅邪二郡

治朐山

梁因之東魏武定七年

改曰海州

治龍沮城

仍領琅邪郡高齊因之後周建德

六年改郡縣俱曰朐山隋開皇初郡廢大業初改

州為東海郡唐武德四年復曰海州兼置總管府
貞觀元年府罷天寶初仍為東海郡乾元初復曰
海州屬河南道五代及宋亦曰海州東海郡屬淮
南東路隆興初割以界金屬山東東路嘉定十二
年收復元至元十五年升海州路總管府尋改海
寧府又降為海寧州屬淮安路明初省朐山縣入
復曰海州屬淮安府

本朝因之雍正二年升為直隸州屬江蘇省領縣二

贛榆縣

在州西北八十里東西距九十里南北距百四十五里東至海十五里西至山東沂

州府蘭山縣界七十五里南至本州界七十里北至山東沂州府日照縣界七十五里東南至州治

八十里西南至沂州府郯城縣界百八十里東北至海八十里西北至沂州府莒州治百八十里漢

置贛榆縣屬琅邪郡後漢初省建初五年復置改屬東海郡三國魏省晉太康元年復置劉宋因之

蕭齊屬北海郡梁分置南北二青州東魏武定七年以贛榆縣屬東海郡又置義塘郡及懷仁縣屬

南青州高齊廢贛榆縣隋開皇三年廢義塘郡以懷仁縣屬東海郡唐屬海州五代宋因之金大定

七年改懷仁縣曰贛榆仍屬海州
沐陽縣 在州西南
州元明俱不改 本朝因之 一百二十

里東西距一百二十五里南北距九十里東至淮安府安東縣界八十五里西至徐州府宿遷縣界

四十里南至淮安府桃源縣界四十里北至本州界五十里東南至清河縣治一百八十里西南至桃源縣治一百二十里東北至本州治一百二十里西北至山東沂州府郯城縣界一百里漢置厚邱建陵二縣屬東海郡後漢省建陵晉因之劉宋省厚邱蕭齊復置厚邱及僮縣屬北東海郡梁天監五年置僮陽郡東魏武定七年改曰沐陽郡兼置懷文縣後周建德七年改縣曰沐陽隋開皇初郡廢以縣屬東海郡唐屬海州總章元年屬泗州咸亨五年還屬海州五代宋元因之明改屬淮安府本朝雍正二年改屬海州

形勢東濱海西接徐邳北控齊魯南通江淮滄海渺

瀾高嶼絕島環列先後但無關隘可守

州舊志

風俗尚朴實力農務漁

州舊志

土廣而瘠薄小民不

事商賈不習工藝故民多貧

州志

城池海州城

周九里一百三十步門四西設水關池深六尺明永樂中築本朝乾隆三十

三年

重修贛榆縣城

周四里有奇門三池深二丈元至正二十四年築明洪武正德萬歷

間增修

本朝康熙中重修乾隆三十三年又修

沭陽縣城

周四里二百步門四有池

明萬歷二十年覓碑

本朝康熙三十三年又修

學校海州學

在州治西明洪武二年因故址建本朝康熙十四年十八年二十一年屢修

乾隆六年重修三十四年入修入學額數二十名

贛榆縣學

在縣治東南明洪武四年

建崇禎末燬於兵 本朝順治八年重建康熙七
年十一年重修乾隆三十四年又修入學額數十

六 名 沐陽縣學

在縣治南明洪武三年建于黃軍營
鎮 本朝康熙十二年重修乾隆十

六年移建今址入
學額數十六名

戶口

原額人丁三萬四千三百九十八又滋
生人丁一百四萬四千五百三十六

田賦

田地二萬九千六百七十五頃三十三畝七分
四釐額徵地丁銀五萬三千四百零三兩九錢

五 升 四 合 零 麥 九 百 二 十 七 石 五 斗 一 升
五 分 三 釐 米 一 千 八 百 二 十 八 石 六 斗 七

山川胸山

在州南四里秦置胸縣以此樂史太平寰
宇記山在縣南二里明統志上有雙峰如

削俗名馬耳峰傍有龍潭水極清冽舊志今名錦
屏山下有青龍澗支流於白壁山之左至龍口州

城萬姓大伊山與小伊山俱在州南百里二白玉

山在州西一百里羽山銀山在州東南二十餘里

多白石日出照耀色墮星山在州東南七十里太

如銀鋪下有銀山墮星山在胸山縣南六十里相傳商時星墮于此又

北墮星山在縣東南五十里並高一里舊志作大

星山小伊盧山在州東南八十里魏書志安樂縣

名大伊萊山在胸山縣南七十五里按史記云

鍾離昧家在伊盧李吉甫元和郡縣志云中盧石

在東句盧在西故曰中盧又名伊萊者盧萊二字

相近音訛也明統志伊盧山在州東南八十二里

陬山有東西二山俱在州東南百里盧石山在州

一在海隅一在海中東西對峙

太平寰宇記在胸山縣東南六十里按漢書云
韓信為楚王鎮于三盧盧石伊盧等三山石色黑
因以為名宋張耒云海州多名山韓信鎮三盧謂
此與伊盧句盧二山也壩山記在胸山縣東南二
百里海中四面平坦潮上半
沒潮落方見故其上多礪
虎山在州西南五十
里其東南有龍
山東北有
房山魏書地形志龍沮縣有房山舊志
弁霧山在海州西南六十里有巨石如房
又州西南七十里
有牛山產水晶石
句盧山在州西南與沭陽接界
西南一百二里名馬鞍山山形句曲
狀似馬鞍又在沭陽縣東六十八里
孔望山太平
記在胸山縣西南一百六十里鄭城相近王象之
輿地要覽孔子之郊問禮之時嘗登此山故名其
山上有嵌石其下方平可坐十餘人山前石上有
臼相傳為秦始皇洗頭盆明一統志作北望山按

北望山當在今州西北五十里馬嶺山左右與郟
城接界而今州東南五里有古城山俗亦呼為孔
望與園因之其誤始于明統志以鬱林山在州東
古城為孔望更以孔望為北望也鬱林山在州中
鬱洲漢末黃巾起郗原將家入海住鬱洲山中晉
隆安五年孫恩自廣陵浮海而北劉裕躡之于郁
州南齊書志鬱洲在海中週迴數百里島出白鹿
土有田疇魚鹽之利鄴道元水經注朐縣東北海
中有大洲謂之郁洲山海經所謂郁山在海中者
也言是山自蒼梧徙此山上猶有南方草木隋書
志東海縣有鬱林山太平寰宇記謂之蒼梧山在
東海縣東北二里舊志雲台山在州東北海中周
百餘里一名青峰頂其北有望日峰其陽有青霄
洞通志雲台山幽深秀特常冠雲氣按雲台即
古鬱林其地即古東海縣也舊志謝祿山在州東
及通志俱誤析為二山今改正

志東海縣有謝祿山太平寰宇記山在東海縣城西一里王莽時東海徐宣謝祿等破莽將田況嘗

叱兵于巨平山在州東北太平寰宇記由吾大夫此因名巨平山廟在東海縣北四十里巨平山南

一名由吾峰中有龍潭栖雲山在州東北即巨平之北嶺南史明僧紹傳宋昇明中僧紹

弟慶符為青州僧紹隨之鬱洲結栖朱紫山在州雲舍精舊志此山高渺故號栖雲

太平寰宇記在東海縣北五十二里有紅壁丹崖自相輝映遠而望之若朱紫然小島山

在州東北元和郡縣志在東海縣北六十里三面臨壁皆百餘仞惟東南一道容人行田橫兄弟避

亂所嚶遊山在州東北太平寰宇記在東海縣東居也嚶遊山北一百三海里中去岸二十里周迴

浮海中羣鳥翔集嚶嚶然自相喧聒故名舊志去巨平山十五里元時海運所經通志作鴈遊山與

圖作鶯遊山按自鬱林以下諸山皆鬱羽山在
洲中鬱年惟鶯遊在洲東北縣居海中

西北尚書舜典殛鯀于羽山又禹貢徐州羽畎夏
翟孔安國傳羽山之谷有翟雉羽中旌旗也漢書

志祝其縣禹貢羽山在南隋書志胸山縣有羽山
元和郡縣志在縣西北一百里即此殛鯀處太平

寰宇記在縣西北九十里明統志在石棚山在州治舊
續榆縣西八十里又見山東沂州府志即青龍

山北嶺有巨石覆巖上其形如棚可容十數人八
景中所謂石室春風者是也嶺甚高峻了無花木

宋石延年判海州使人以泥裹桃核為彈擲其上
數年間花發滿山爛若錦繡因名萬花巖宋蔡景

繁有石室詩蘓軾和之其秦山在贛榆縣東四十
旁又有樓鳳拾翠等崖里海中相傳秦皇

嘗登此勒石今存山前名碁子灣西南水底有神
路三十里濶數尺由岸直抵山麓亦傳為始皇所

築洪濤漫激
至今不圯
武強山
在贛榆縣南三十里舊志相傳有鄉人黃雄率眾禦寇于

此故
夾谷山
在贛榆縣西四十里太平寰宇記夾谷山在懷仁縣西三十八里春秋公

會齊侯于夾谷即此舊志山有數峰環列當面一
峯尤峻深谷夾其中委蛇橫亘谷之北坡級漸上

為重臺有孔子廟又見山東淄川縣通志舊以為
齊魯會處本寰宇記之謠按左傳祝其實夾谷

今視其漢縣故城在縣西五十里知夾谷宜在此
地而金志所云淄川縣有夾谷山者別無可據當

是誤以水經注萌水所出之甲山為夾
谷山耳不得執金志而疑寰宇記為謠
大金山
在贛

榆縣北縣城據其上又縣北二
十里有小金山朱汪河經其下
懷仁山
在贛榆縣北東魏置

縣以此太平寰宇記在懷仁
縣北四十里其山無草木
欄頭山
在贛榆縣東北七十里舊

志海邊有石欄際海可遮洪濤故名並峙者曰阿
夜山海霧晝昏如夜故名其西有水簾洞

吳山

魏書志懷仁縣有吳山舊志在贛榆縣西北
三十里夾谷山北峰巒獨秀時有雲氣左脇

壁立

紀鄣山

在贛榆縣西北七十里

韓山

太平寰宇記在沐陽縣東北五十里

為楚王講武之所

孤山

在沐陽縣東北七十里其脈自海州大伊山來為八

景之一

建陵山

在沐陽縣西北百里魏書志建陵縣西有建陵山太平寰宇記在沐陽縣西

北建陵縣緣此名山南北狹長有陵阜舊志一名張倉山其北十五里有由吾洞

塔山

在沐

陽縣西北一百里接宿遷縣界為八景之一

獅子巖

在州東北海中故東海城北二十里

形如獅子上分水嶺

在贛榆縣北七十里與日照縣分界又北至日照縣九十

有泉曰濯纓

里嶺上有水一線自石間射
出高尺許分為東西二流
高公島在故東海城東八十里

中大小二島在州東北五十里濱海
由吾洞在沭陽縣

西北百里張倉山北海北自山東安東衛斜石界
隋由吾道崇學道處入州境經贛榆縣東十五

里又南經州城東十五里又東南接淮安府安東
縣界州東有古東海縣地懸居海中太平寰宇記

在東海縣東二十八里西趨州城往來所渡廣二
十餘里七月內渡者多逢風沉溺餘月則否按

州境有十五海口在贛榆縣東北曰荻水曰分水
曰柘汪曰潮河縣東曰興莊曰青口縣東南曰唐

生曰范家曰小河在州東北臨洪州東南曰恬
風又東南曰新壩曰板浦曰出河港曰河口接安

東縣連水即沭水下流也舊志自沭陽縣北桑墟
湖東北流經州南二十里之石湫鎮又

經州東南三十里之黑土灣渡入海按連水即
游水也水經注淮水自淮浦縣枝分北為游水歷
朐縣與沐合又逕朐山西又北逕利城東又北逕
羽山西又北逕祝其城西又左逕即邱城西又東
北逕贛榆縣北又東北逕紀郭城南入海
今連水止自州南入海則古今異派矣
東莒州南流入經贛榆縣西北境又南自郯城縣
界流入經沭陽縣西南岐為前後二支一繞城北
一趨城南俱東入碩莪湖城北又分一支東北入
桑堰湖亦南與碩莪湖會自湖東北出經州境東
南入海水經注沭水自邱南逕厚邱縣分為二
瀆一瀆西南出今無水世謂之枯沭一瀆南逕建
陵縣故城東又南逕建陵山西魏正光中立大塢
遏水西流三十里注沭水舊瀆東南出桑堰水注
之又南左合橫溝水又南暨于堰又東南逕司吾
山東又東南逕祖口城東合祖水又東南至朐縣

八游注海太平寰宇記胸山縣沭水在縣西一百
四十里又沭陽縣沭水在城東南七十步引流東
七十里入車路湖梁天監二年上人張高等五百
餘人相率開鑿此湖引水溉田俗名為紅花水東
流入漣水縣界齊乘沭水自羽山由吾又南至沭
陽入桑墟湖東出入海亦名漣水舊志水自郟城
合馬脊固諸澗水折而東入沭陽縣界至縣西北
分為新挑河又東至縣西五里張家溝分為後河
又東逕縣南曰前河又東至上市鎮分為上市河
折而東南入大湖本朝乾隆八年修築南岸堰
工二十二年前沭河加築南北兩岸
堰工後沭河如築東西兩岸堰工
縣經清河安東沭陽分為南北兩股沿泗至海州
境一洩沭河之水入鹽河歸武障河入海一洩陵
溝十字橋諸河之水入鹽河歸項家冲河入海
本朝乾隆八年疏通淤塞並修堤堰二十二年復

加疏築二十七年南六塘河修築北塘北六塘河
修築南塘三十年復修北岸丁家溝等處堤工三

十八年又修湯官河在州南四十里舊志自新壩
家道口等工南通安東之支家河即唐時

溝河垂拱中所開自漣水北通海沂密等州者也
本朝乾隆八年濬加築堤工按輿圖當即新壩

口河但並不與陸里河在州南一百三十里通官
安東之河相接

十一 年 濬 舊 徽 河 在州西一里南自新壩通漣水內接
市河入州城西北通贛榆臨洪鎮東

北達海先時漕運由此入淮北場鹽課亦由此達
安東後以潮汐往來隨濬隨塞舊志源出州西羽

山 玉 帶 河 本朝康熙初重濬改名 景 濟 河 在州東南二十
里乾隆八年又濬餘里為運鹽通

道 板 浦 河 在州東南四十里板浦鎮東東北流一
入海為板浦口 本朝乾隆八年濬一

帆河

在州東南八十里自淮安府安東縣東北流
入經伊盧山南入海按輿圖此即安東縣

之

鹽河也北流經州南新安鎮西接碩項湖東南

口

又北流分為二一東流入海為淮河一口一北流

與碩

項東出之水會而北經大伊武障河在州東

山南

又東北經伊盧山北入海

六塘

河之水歸海義澤河在州西南分洩六塘

本朝

乾隆十八年濬河之水入鹽河歸海

十八年

本朝乾隆高墟河在州西南八十里相近有王

後沐

河水由爛泥洪青伊湖入漣小沙河在贛榆

河歸海

本朝乾隆十八年濬

里源

出山東莒州下流由青口鎮入海亦名青口

河縣

界九口惟此口利舟楫通商賈又縣東北二

十里

有朱汪河下流為龍王河入海又縣北五十

里有

柘汪河六十里有分水河七十里有蕞水河

俱東入海 **大沙河** 在贛榆縣南五十里舊名廟灣子河源自山東鄭城縣東流經大沙河

鎮東入海 本朝乾隆新挑河在沭陽縣西北五
十一年二十三
年屢濬

太平橋分派經縣西北二十
里廟頭鎮下流入桑墟湖 砂礮河 由宿遷經桃
源縣入沭陽

張開河口歸前沭河達漣河入海係分淺碩葦湖
六塘河之幹河 本朝乾隆二十二年濬

元和郡縣志在朐山縣南一百四十二里沭陽縣
東八十里與漣水三縣分湖為界太平寰宇記相

傳秦始皇時陷縣為湖高齊天保中此湖嘗竭西
南隅有小城餘址猶存舊志州南有碩項湖又名

大湖西距沭陽東南距安東各得三分之一廣八
十里袤四十里南有小河通淮北通桑墟河 按

碩項湖即碩葦桑墟湖 在沭陽縣北四十里州西
湖古今異名也 南九十里接界處上承沭

河下流入海舊志昔因銀山壩廢夏則潞水冬為陸地按輿圖當即青伊湖但伊湖水亦南注

碩項湖由碩項東出南與安東縣北之鹽河會而北逕大伊鎮東南折而東流復北逕伊廬山東北

入海其海口曰出河港與舊志所金湖在沭陽縣云自桑墟東北流為漣水者不同東南五十

里古劍水太平寰宇記在懷仁縣西南八十五里源出沂州臨沂縣界三崖山號弱馬溝

東流入縣界又堯水在縣西南七十里亦從臨沂縣東流經縣八十里入海按今贛榆縣無此二

水蓋不可考矣于公浦在州東北海中故東海城北十里自此而北為白溝當路大義山陰

等浦皆通潮汐居民以煎鹽為業又徐漬浦在東海城東北四十里上接巨平諸山之水入海有鹽

場又宿城浦在東海城東北七十羽潭在州西北四面皆山舟楫遇風則宿于此左傳昭公

七年子產曰堯殛鯀于羽山其神化為黃熊入于羽淵太平寰宇記羽潭在朐山縣西九十里去羽山一百步一名羽池池上多生細柳野獸不敢踐又郡國志云縣南鍾離昧城南有羽泉相傳為殛鯀之處其水恒品泉通志在州南門外三品泉在清牛羊不飲品泉井鼎連其味甘冽品泉在里冬夏如湯南博望鎮西五

古蹟朐縣故城

在州南秦置史記始皇三十五年立石東海上朐界以為秦東門闕漢志

東海郡朐有鉄官後漢建武五年董憲等自郟城保朐吳漢進圍朐劉宋泰始三年垣崇祖自魏將部曲奔朐山據之蕭道成叛為朐山戌主齊志東莞琅邪二郡治朐山梁天監十年琅邪民萬壽殺東莞琅邪二郡太守鄧晰以朐山降魏魏徐州刺史盧昶造將胡文驥據之詔馬仙琕圍朐山侯景

之亂沒於東魏魏書志琅邪郡領縣朐梁武改為
招遠武定七年復有朐城朐山縣治水經注朐山
側有朐縣故城太平寰宇記古盧王城在朐山西
北九里即漢朐縣梁天監中魏將盧昶屯據此城
權假王號故以為名也舊志宋寶慶末為李全所
據端平二年徙州治東海縣淳祐十二年全子璫
復據朐山景定二年璫降改置西海州而龍且故
海州仍治東海縣尋復以西海州為海州龍且故
城在州南劉宋秦豫元年以垣崇祖知徐州事徙
戍龍且龍且在朐山南梁武置龍且縣蕪置東
彭城郡後魏武定七年改青州曰海州亦自鬱洲
徙治於此魏書志海州治龍且城又東彭城郡龍
沮有即邱城房山高齊時郡縣俱廢唐武德四年
復置屬海州八年省入朐山元和郡縣志龍且故
城在朐山縣南六十里州志龍且城在州西南六
十里有大小二壘相傳韓信下齊時楚將龍且所

築
曲陽故城

在州西南漢置縣屬東海郡漢書志注在淮曲之陽後漢建武中封泗水

縣王孫鳳為曲陽侯國改屬下邳國晉省唐武德四年復置屬海州八年省太平寰宇記曲陽故城在

朐山縣西南
東安故城
在州西漢甘露十三年封魯王子強為東安侯國屬

東海郡後漢省太平寰宇記
東海故城
在州東北故城在朐山縣西八十三里海在本籍

榆縣地即古鬱州也劉宋泰始中青齊地入魏六年乃于鬱州僑置青冀二州及西海郡鬱縣元徽

二年劉善明為西海太守行青冀二州刺史以海中易固不峻城雉乃累石為之高可八九尺後為

齊郡治齊建元初徙齊郡治瓜步以北海郡治焉改鬱縣曰都昌永明中又分置廣饒縣後魏武定七

年移州治龍且城改郡曰東海又改都昌縣曰安流仍領廣饒縣高齊廢安流分廣饒置東海縣隋

開皇初廢郡及東海縣仁壽初改廣饒曰東海屬
東海郡唐武德四年于縣置環州以四面環海為
名八年州廢屬海州元和郡縣志東海縣西至州
九十里宋端平二年徙海州治此淳祐十二年還
治朐山元至元十二年併縣入朐山州志東海舊
有大小二城宋寶祐中賈似道獻提時築西南控
海東北抵山大城連接小城東南二面通為一城
周十三里皆砌以石明洪武初設守禦千戶所無
置巡司嘉靖十六年
移巡司于新壩鎮
贛榆故城有二一在贛榆縣
郡縣志贛榆故城一名鹽倉城在縣東北三十里
太平寨宇記晉移贛榆縣治艾不城北齊天保元
年省即此一在州東北東海故城北唐縣也元和
郡縣志贛榆故城在東海縣北四十九里隋末土
人臧君相
築即此
祝其故城在贛榆縣南春秋定公十年
公會齊侯于夾谷左傳公會

齊侯于祝其寔夾谷漢置祝其縣屬東海郡後漢志祝其春秋時曰祝其夾谷地劉宋省水經注游水自羽山又北逕祝其縣故城西縣東有夾口浦唐武德四年置新樂縣屬海州六年改曰祝其八年省入懷仁太平寰宇記祝其故城在縣南四十里舊志在縣西五十里夾谷山西南五十里

武陵郡故城

在贛榆縣南魏書志海州領武陵郡郡領縣二上鮮梁武齊郡武定七年

改置洛要梁武高密縣武定七年改有武陵城太平寰宇記武陵郡城在縣南五十九里隋廢舊志有洛要鎮在縣東南六十里即故洛要縣也

利成故城

在贛榆縣西漢元朔四年封城

陽共王子釘為有利侯後為利成縣屬東海郡後漢建安三年曹操分置利成郡三國魏黃初六年利成郡兵反是也晉仍為利城縣屬東海郡劉宋省水經注游水自朐縣又北逕利成故城東故利

鄉也又曰武陽溝水東出倉山山上有鹽官城即故有利城矣其城因山為基唐武德四年復置屬

海州八年省入懷仁縣太平寨

宇記故利城在縣西六十里

懷仁故城

在籍榆縣西太

平寨宇記故城在懷仁縣西二十三

里魏武定七年置後廢為義塘鎮

歸義故城

榆縣北太平寨宇記在懷仁縣北二十

五里魏武定七年置屬義塘郡隋廢

即今沭陽縣本漢厚邱縣地蕭齊置僮縣屬北東

海郡梁武置僮陽郡東魏改曰沭陽郡以在沭水

之陽故名兼置下城臨渣懷文服武等四縣陳大

建五年吳明徹等伐齊至淮南齊沭陽郡守棄城

走遂省下城走三縣入懷文後周又改懷文縣曰

沭陽元和郡縣志縣東北至海州一百六十里太

平寨宇記縣地雖近海州水陸艱險春冬水路乾

涸夏秋霖潦陸路瀾漫百姓患之又下城在縣南

三里梁武帝置舊志有僂縣
城亦曰舊縣城在縣南六里
厚邱故城在沭陽縣

屬東海郡劉宋省入襄贛縣
蕭齊建武二年青冀

二州軍主桑係主攻魏建陵
驛馬厚邱三城皆拔

之仍置厚邱縣屬北東海郡
尋廢唐武德四年復

置厚邱縣屬海州八年省入
沭陽縣太平寰宇記

厚邱城在縣北六十里在鄭
城東一百里王存九

域志沭陽縣厚邱鎮舊志厚
邱鎮在縣西北四十

里即故建陵故城在沭陽縣
西北建陵山下漢高

縣也建陵故城在沭陽縣西
北建陵山下漢高

侯又景帝六年封衛綽甘露
四年封魯孝王子遂

俱為建陵侯國于此屬東海
郡後漢省梁普通五

年裴邃等攻魏克建陵城後
魏陰平故城在沭陽

復置建陵縣為郾郡置後周
后陰平故城在沭陽

漢陽朔二年封楚孝王子回
為陰平侯國屬東海

郡後漢曰陰平縣晉初武帝
封魯芝為陰平侯并

省太平寰宇記陰平城在縣西北六十里舊志陰平鎮在縣西北四十里即故縣也又見山東嶧縣

海西廢縣

在州南漢太初四年封李廣利為海西侯後為縣屬東海郡後漢建武三年劉

永立董憲為海西王尋歸漢改屬廣陵郡建安元年先主自廣陵與袁術戰敗軍于海西晉省太和六年桓溫廢帝為海西公即故縣也東魏武定七年改梁東海郡為海西郡復分襄賁置海西縣屬海西郡齊周時廢舊志海西義塘廢郡在贛榆縣廢縣在州南一百二十里

義塘廢郡

在贛榆縣西北近莒

州界即後魏黃郭戌也蕭齊建武四年黃曇紛攻魏南青州黃郭戌為戌主崔僧淵所敗梁得其地置南北二青州太清三年北青州刺史王奉伯舉州降魏東魏廢州改置義義塘郡魏書志義義塘郡武定七年置治黃郭城領義義塘歸義懷仁三縣皆與州同置元和郡縣志懷仁縣東南至海州九十里

本漢贛榆縣地太平寰宇記魏義塘郡理黃郭戍領三縣並在密州莒縣界隋開皇三年廢郡移懷

仁縣理于此舊志卽今鍾離昧城在州南史記

治今改曰贛榆取漢故名離昧城項羽將亡鍾

離昧家在伊廬後漢志朐縣有伊廬鄉元和郡縣

志在縣南一百里其城卽昧所築太平寰宇記伊

廬鄉亦摩坡城在州南太平寰宇記在朐山縣南

名中廬梁天監十年馬仙琕將張惠紹所

築艾不城在州東北太平寰宇記在東海縣北二

而築後晉移贛榆縣紀鄆城在贛榆縣東北左傳

于此北齊天保初省昭公十九年齊伐莒

莒子奔紀郭杜預注贛榆縣東北有紀城卽紀郭

也南齊書建武二年青冀二州刺史王洪範遣軍

主襲魏紀城克之水經注游水東北逕紀郭故城

南入東北入海太平寰宇記紀鄆城在懷仁縣東

北七十五里平地近海周一里餘
莒城在贛榆縣西水經注

淮安府志在贛榆縣西七十里
游水自祝其又左逕即邱故城西莒子始起此後

徙莒世謂此為南莒有鹽官舊志在縣西十五里
城形正方今
虎坑城在贛榆縣西舊志

為莒城鎮
抗金城在
榆西南五十里舊
志相傳宋築以備金
新城在贛榆縣東南四十里

舊志相傳舊縣治此
界牆城在贛榆縣北六十
里東際海西連山
中城在沐陽縣西左傳

杜預注厚邱縣西南有
浮營城在沐陽縣東二十
里又南營城在

縣東南十五里黃軍營城在縣西南五里皆元至
正十五年守將達古珍所築達古珍舊作達谷

真今
黑軍營城在沐陽縣西十五里元至
改正
西北

營二城

在沭陽縣西北十里又新興營城在縣西北三十里皆元至正十五年守將王信築

田橫固

在州東北元和郡縣志在東海縣北五十里小高山南漢初田橫與其屬五百人

入居海島即此太平寰宇記東海縣本田橫所保鬱洲亦曰郁洲亦謂之田橫島田橫固在縣東北

六十一里小高山三面臨深溪

呂母固

在州東北太平寰宇

東隅壘石為城橫所營處也

記在東海縣北二十七里巨平山南嶺上高二里後漢書云琅邪海曲有呂母者子為縣吏犯小法

軍論殺之母密聚客得數十百人海中招合亡命衆至數千執宰殺之復還海中築此為固遂號

呂母固舊志又艾塘戍劉宋太始三年魏人襲朐見山東日照縣艾塘戍山居人皆下船欲走垣崇

祖紹之曰艾塘義人已得破賊海曲沭戍在沭陽州志在舊朐山縣西北十二里

建陵山西水經注魏正光中齊王鎮徐州立大海
竭遏汴水西流兩瀆之會置城防之曰曲汴戍海

口故壘

通志在州之黑土灣海口

東海廢守禦所

在州東城內又西海廢守

禦所在州西城內俱明洪武中
建本朝康熙十七年俱裁

牛欄邨

在州東北太平寰宇

記在郁洲島上康熙堆
牧之所今猶呼云康熙堆

望海樓

在州城內宋張耒詩城外滄波日夜

深城南山
色對城樓綠野亭

在州治南宋張耒詩渺渺孤亭滄海東天連平野思無窮望

海亭

在州東孔望山巔明嘉靖三十一年建

秦碑

在贛榆縣東北後漢志贛榆注地道

記曰海中去岸百九十步有秦始皇碑長一大八
尺廣五尺厚八尺三寸一行十三字潮水至加其
上三文去則三尺見也水經注贛榆縣東側巨海
有秦始皇碑在山上去海一百五十步舊志在海

中泰 昇仙墩 在沭陽縣東南二里相傳紫陽真人昇仙處

關隘北關

在州北五里宋紹定末魏勝敗金人于此關即此

東海營

在州東北海中

鬱州地通志雲臺山即古東海縣其北有墟溝營又東北有鶯遊山與西岸孫家山對峙如門土人謂之鶯遊門其南有高公島時防海要地本朝康熙二十年設東海營每年分兵駐防虛溝三十

七年裁併海州營雍正二年復設守備乾隆十年改設都司

惠澤巡司

在州南一百二

十里張家店鎮高橋鎮巡司

在州西北三十里通志在州西九十里博望鎮北

口鎮巡司

在贛榆縣東南十里水陸衝要本朝乾隆三十二年以荻水鎮巡司移駐于此

沙河鎮為工賈所集

板浦鎮

在州東南四十里鹽場為商賈輻

轄之所又莞瀆鎮在州東石湫鎮在州南二十里
南一百四十里亦有鹽場宋紹興三十一

年金人圍海州張子蓋赴援自漣水擇
便道以進至石湫堰擊敗敵兵即此新壩鎮在

南四十里為往來衝要明嘉靖十六年移東海巡
司于此今廢又南六十里為大伊鎮又南六十里

為新安鎮與臨洪鎮在贛榆縣南六十里九域志
安東縣接界懷仁縣有臨洪鎮舊志去大

沙河十三里舊荻水口鎮在贛榆縣東北七十里
有巡司今裁與山東東安衛接界五代

漢乾祐二年密州刺史王萬敵擊南唐荻水鎮大
掠而還明初通海運築土城設主事于此永樂中

裁改巡司本朝乾隆三十二年中岡站鎮在贛榆
年移駐青口又有通運所今裁縣北二

十里舊設遞劉莊鎮一名柳莊鎮在沭陽縣
運所今裁東四十里為往來要路

津梁九洪橋

在州南石湫鎮

沙壩橋

在州西二里跨薔薇河

洪門橋

在州

城北里許海潮上逆河水下注之處

伊河橋

在州東南六十里

紫陽橋

在贛

榆縣西門外一里

會潮橋

在贛榆縣北十五里舊名大石橋

朝宗橋

在沭陽縣

東八十里以東近大湖衆水所歸故名

文峰橋

在沭陽縣南門外跨前河蛤蜊溝

橋

在沭陽縣西四十里陰平鎮西

桑墟橋

在沭陽縣北四十里

恬風渡

在海州南

舊名黑風口有碑云舟中人衆休爭渡海上風高且暫停

堤堰永安堤

在州東唐書朐山縣東二十里有永安堤北接山南環城長七里以捍海潮開

元十四年刺史杜令昭築楊公堤

在州東舊志為塔兒灣至板浦河要路明萬曆四十七年

知州楊鳳築堤十五里其後少移而韓信堰在州西本朝順治十三年又益西矣

平寰宇記在朐山縣西十里相傳韓信為楚王時以地濬下遂立此堰今為大路捍海堰

有二皆在州東北太平寰宇記西捍海堰在東海縣北三里南接謝祿山北至石城山南北長六十

三里高五尺隋開皇九年縣令張孝徵造又東捍海堰在東海縣東北三里西南接蒼梧山東北至

巨平山長三十九里隋開皇十五年縣令元暖造外足以捍海潮內足以貯山水大獲澆溉石

閘堰在州西南宋天禧四年淮南勸農使王貲之築海州石閘堰水入漣水軍以溉田紹興中

金人攻海州魏勝拒之于石板浦堰在州東南三十里或由即石湫河上游也

河通于海水隨潮漲洩明萬歷四十五年建龍且堰約十餘大北郭海潮南蓄河流鹽舟通行龍且

堰

在州南與龍且城相近唐書李聽奉詔討新

在州西四十里西障洙水東捍海潮俾漣河達于

官河由此入通安東又官河壩在新壩漣河之南

州西諸河之萬金壩在州東北東海城東北七十

船由此達河萬金壩里原名五洋湖明嘉靖間築

此以捍潮衝長四里今漸湮

陵墓漢于定國墓

在州東北太平寰宇記在東海縣

孝婦墓

在州境舊志云

在東海縣嚴彭祖墓在州南北朝梁馬仙琕墓在

北二里境

西南八里宋胡松年墓在贛榆西

祠廟堯廟

在州東北太平寰宇記在東海縣西北三里謝祿山宋泰始七年刺史劉崇智立

謝祿廟

在東海縣西一里謝祿山南嶺上
本名海祠後人改之因名謝祿

孝婦廟

在東海縣東北三十三里巨平村按漢書太守殺牛自祭孝婦冢天大雨歲熟因立祠焉由吾

大夫廟

在東海縣北四十里巨平山南祀隋由吾道榮

忠武祠

在州治祀宋耿世安

旌忠祠

在州治祀宋侯畝

六勇祠

在州治祀明禦倭陣亡陳升等六人

寺觀佛陀寺

在州南大伊山前又古佛
寺在大伊山後俱宋時建

興國寺

在州東北

巨平山東北
唐元和中建

重光寺

在贛榆縣治南一里宋元祐
中建又重光塔院在縣治西

南三
里招德寺

在沭陽縣東五里元大德二年建寺
內有古塔高七層相傳唐貞觀時尉

遲公元
監造元妙觀

在州舊城西南
唐開化中建

祿雲觀

在州東北巨
平山常有白

雲出其上故名三仙觀在州清風頂彩雲觀在州南山明祐德

觀在贛榆縣紫陽觀在沭陽縣治南

名宦南北朝北齊郎基

中山新市人天保四年除海西鎮將梁將吳明徹攻圍海

西基固守乃至削木為箭剪紙為羽圍解還朝僕射楊愔迎勞之曰卿本文吏遂有武畧削木剪紙皆無故事班墨之思何唐韋岳子萬年人中宗時

以相遇旋遷侍御史

唐韋岳子

萬年人中宗時

績威惠杜令昭開元中海州刺史築宋李迪濮州人真

宋時謫監孫洙廣陵人治平中知海州免役法行

海州稅功洙力爭之方春旱發運使調民濬漕渠以通鹽

舸洙持之不下三上奏乞止其役早蝗為害致禱

于朐山徵奠大劉彞福州人為朐山令治簿書恤孤寡作陂池教種藝平賦役

抑姦猾凡所以惠民者石曼卿名延年神宗時判海州廉能有為吏

悅民服公餘讀書于石棚山下有詩云樂意沈括相闕禽對語生香不斷樹交花為伊川所稱

錢塘人神宗時為沐陽主簿縣依沐水乃職方氏所書浸曰沂沭者故跡浸為汙澤括新其二坊疏

水為百梁九堰以播節張叔夜開封人以徽猷閣原委得上田七十頃

江起河朔轉畧十郡官軍莫敢撰其鋒聲言將至叔夜使間者覘所向設伏近城而出輕兵拒海誘

之戰伏兵乘之擒豐稷鄆人蔡京得政修故洪擬其副賊江乃降

丹陽人宣和中海州山東魏勝宿遷人紹興三盜起屢攻城擬率兵民堅守

南侵勝聚義士三百北渡淮破連水軍宣布朝廷
德意不殺一人連水民翕然以聽遂取海州遣人
諭朐山懷仁沐陽東海諸縣皆定乃蠲稅租釋罪
囚發倉庫犒戰士分忠義士為五軍紀律明肅遠
近聞之響應以破金兵奏功授閩門祇候命知海
州金人屢攻海州勝屢敗之轉閩門宣贊舍人命
充山東路忠義軍都統制兼鎮江府駐劄御
前前軍統制仍知海州鎮撫一方民安其政侯昌
樂清人寶祐中通判海州李松壽據山東
突出連泗高慶戰城下死之合室遇害明樊兆
程進賢人萬歷中知贛榆縣濬海口高濂膠州人
知贛榆縣兵來攻城濂竭力拒守城破肅衣冠北
向拜自經死本朝乾隆四十一年賜諡節
愍

本朝穆爾謨

寧遠州人順治初知贛榆縣精明強毅聽斷如流時寇猖獗爾謨親率鄉士勦

捕民賴

李士麟

定襄人順治初授海州同知海寇薄城士麟力為守禦間督鄉勇出

以安

奇兵擊之已而賊大至城潰被執不屈死之

人物後漢徐璆

海西人少博學舉高第歷遷荊州刺史汝南太守轉東海所在化行獻帝

還許以廷尉徵道為表術所劫守正不屈術死璆得其所盜國璽還許上之并送前所假荊州東海

二郡印綬司徒趙溫謂曰君遭大難猶存之耶璆曰藏武不墜七尺之節況此方寸印乎復拜太常

卒官三國魏徐宣

海西人與陳矯齊名俱見器于太

官三國魏徐宣守陳登太祖時歷遷齊郡太守入為門下督從到壽春會馬超亂太祖見官屬曰今大軍遠征此方未定宜得清公大德以鎮統之乃

以宣為左護軍留統諸軍尋出為魏郡太守太祖崩洛陽羣臣或言易諸城守用譙沛人宣厲聲曰今遠近一統人懷效節何必譙沛而沮宿衛者之心文帝聞曰所謂社稷臣也帝踐阼為御史中丞賜爵關內侯歷遷尚書明帝時為左僕射上疏陳威刑太過又諫作宮殿以寬民力帝嘉納之以疾辭卒謚

南北朝齊徐生之

東海人五世同居建元三年大使奏表門閭蠲

租隋包愷

東海人其兄愉明五經愷悉傳其業又從王仲通受史記漢書尤稱精究大業

中為國子諭教卒

宋孫傳

海州人登進士第歷中書舍人以言事黜靖康元年召為給事

中進兵部尚書上書乞復祖宗法度拜尚書右丞俄改同知樞密院欽宗詣金營以傳轉太子留守燕少傅及帝廢立金人索太子傳曰我家之大臣且太子傳當死從遂死于朔庭紹興中贈開府儀

同三司胡松年海州懷仁人幼孤貧讀書過目不

謚忠定忘政和初上舍釋褐歷遷中書舍

人時方有事燕雲松年謂邊釁一聞有不勝言者

拂時相意建炎間密奏中原利害及防江利害歷

除給事中使金還拜吏部尚書又條戰艦四利權

參知政事以疾提舉洞霄宮卜居陽美松年平生

不喜蓄財喜賓客所薦舉皆一時聞人秦檜秉政

士大夫無不曲意阿附松年獨鄙之至死不通一

書世以單公選贛榆人祥興中拜叅知政事時

此高之單公選帝在厓山元兵至隨帝赴海死明

王規海州人官叅政有清直聲于本鄉奏築隄防

博觀羣書又題免東海養支儉沐陽人父母歿廬

馬再世遺愛鄉人德之支儉墓終喪成化中旌

徐謚海州人官府軍右衛經歷母喪廬王振贛榆

墓有白鹿狎遊其側弘治中旌人正

德中為福建黃岐巡檢海寇大集振率民兵及子
臣拒戰斬獲甚衆俄伏兵起振死于陣其子冒矢
石救父亦被沈麒汴陽人為諸生正德中流賊犯
害詔優恤之沈麒淮麒守母病不去郡守並縣丞
被執復詣賊壘開陳利害願以身代賊義而俱釋之詔旌表以張朝瑞海州人隆
安邱鹿邑二縣歷遷金華知府湖廣叅政有治績
進應天府丞增祀建文忠臣六十餘人及卒貧無
以殮追王俊贛榆人崇禎中以貢為新蔡教諭流
謫清恪王俊寇陷城俊坐明倫堂賊至俊以手劍
叱之殺數賊賊挾俊目斷其腕至死不屈章鳴謙汴
屈本朝乾隆四十一年賜謚忠愍節章鳴謙陽
人以貢知金堂縣崇禎末流賊薄城鳴謙以忠義
激士民悉力固守援絕城陷鳴謙死之閭門皆遇
害本朝乾隆四十一年劉繼祖海州人任邱籍官左
一年賜謚忠愍都督新樂侯文炳之

叔分守東安門閫賊陷京城與妻左氏妾李氏董氏同日投井死
本朝乾隆四十一年 賜諡

忠節又同時某官何洲某官郭良京城陷
行遜以死乾隆四十一年並 賜入祠 劉文炳

海州人光宗后兄子封新樂侯崇禎甲申京城陷
文炳與弟文耀俱投井死同時閭門皆死難焉

本朝順治十六年

賜諡忠愍

流寓後漢邴原

北海朱虛人黃巾賊起原 南北朝齊

封延伯

渤海人寓居東海三世同財為北州所宗

四川人魏士子時依海曲爭

列女宋陳公緒妻劉氏

胸山人紹興末金兵逼山東

得與偕惟挈子庚以行宋授以官劉留北方二十五年緯蕭自給誓不改適子庚長傾家尋訪奔走

淮甸十餘年楊某妻劉氏于財宣和中以收復燕始得迎母歸

雲科增郡縣免夫錢氏以十明莊居敬妻徐氏萬緡代下戶輸官鄉黨義之

人元末居敬為河南平章死于王事氏率所部兵携幼子歸明為夫報仇卒得殺夫者刃之洪武初

旌張禮妻趙氏于官氏自經死事聞詔歸葬之

潘裕妻孫氏海州人年二十八夫亡越月生孫紹一子守節四十餘年弘治中旌

妻呂氏沐陽人割股療夫疾夫亡自縊死傳隨妻許氏贛榆人正德中為流

冠所劫不辱被殺又沙氏仲純妻嚴氏沐陽人正女亦遇賊不屈賊支解之

賊不辱
被殺

劉炯女

于父母往送葬哀經哀號守節終

身正德
中旌

張國綸妻鄭氏

沐陽人夫死于兵氏數日不食自經死

本朝陳思虞妻成氏

海州人夫亡守節教子成立乾隆十四年旌表同邑周之璉

妻劉氏王之濤妻吳氏胡光龍妻鮑氏汪士毅妻

李氏袁廣年妻成氏吳鳴環妻吳氏貞女劉氏任

喚妻王氏俱乾汪氏女

隆年間旌表

從遇害同邑張氏女聞賊至先自經死又蘓桂妻

張氏張羔妻田氏閻兆妻曹氏徐弘道妻李氏俱

夫亡自縊康熙雍正年間旌表又吉士佩妻顏

氏朱之忻妻劉氏譚佩妻樊氏周珙妻張氏蔣祚

印妻劉氏汪源漢妻孟氏崔維給妻金氏寇思格

妻徐氏尤士毅妻朱氏朱克經妻楊氏李紓妻劉

氏鄭永武妻李氏吳瑁妻童氏孫在書妻葛氏仲
幽妻董氏程宗楷妻宋氏李樹德妻萬氏陳詠妻

龍氏栢眉妻孫氏仲表揚妻周氏徐名煌妻王氏
朱之仁妻徐氏龍應旭妾張氏呂亦景妻仲氏徐

選妻張氏孫斯康妻陳氏張時位妻周氏
王維孝妻朱氏俱乾隆年間賜旌表章舍生

妻姜氏冰陽人夫病篤氏先絕粒死同邑周士堅
妻劉氏姜仰尚繼妻吳氏姜麟妻明氏程

文儒妻鄭氏葛順曾妻張氏郁斌妻鄭氏呂六吉
妻徐氏王炳妻徐氏王時賓妻魏氏蔣朝文妻仲

氏妾于氏錢汝臯妻陳氏俱以
夫亡守節乾隆年間旌表

仙釋南北朝齊由吾道榮
游于晉陽遇恒岳仙人授

以道家符水禁咒陰陽歷數天文藥性歲餘仍歸
隱琅邪山中辟穀餌松朮茯苓求長生之秘善洞

視蕭軌等敗于江南是日道榮言之如日見後勸
問與所說符同又至遼陽山中夜初馬驚有猛獸

逼人皆驚怖道榮徐以杖畫地
成火坑猛獸遽走年八十五卒
宋莎衣道人胸

人姓何舉進士不中身衣白襴久之益散緝以莎
人問休咎無不奇中有病瘵者乞醫命持一草去

旬日而愈孝宗屢召
不赴賜號通神先生
聖僧
乞食海州人有疾呪之
立愈事多前知安撫使

丁公守城僧一日左持斧右持釘行擊于市大呼
曰釘壞我斧人無解者逾數日丁果叛僧示寂州

人葬之七里墩
水旱禱之立應


土產鹽
出板浦
紫菜
出州
鶴
出州
薏苡仁
出贛
冬青
出秦

扁竹
出沭
白蒺藜
出沭
紅花
出沭
蝦米
出州
蘋果
出州

欽定四庫全書

卷七十二

州與沐
陽皆出



欽定大清一統志卷七十二